

**2020-mut Nunatta Karsiata naatsorsuutaasa akuersissutigineqarnissaannik siunnersuut**

**pillugu**

**Kukkunersiuinermut Ataatsimiititaliap**

**siunnersuutip aappassaaneerneqarneranut**

**ISUMALIUTISSIISUTAA**

Kukkunersiuinermut Ataatsimiititaliap suliarinninnermini ukuninga inuttaqarpoq:

27. september 2021 sioqqullugu:

Inatsisartunut ilaasortaq, Mariia Simonsen, siulittaasoq

Inatsisartunut ilaasortaq, Erik Jensen, siulittaasup tullia

Inatsisartunut ilaasortaq, Anna Wangenheim

Inatsisartunut ilaasortaq, Paneeraq Olsen

Inatsisartunut ilaasortaq, Agathe Fontain

Efter ny konstituering den 27. september 2021:

Inatsisartunut ilaasortaq, Mariia Simonsen, siulittaasoq

Inatsisartunut ilaasortaq, Erik Jensen, siulittaasup tullia

Inatsisartunut ilaasortaq, Anna Wangenheim

Inatsisartunut ilaasortaq, Mette Arge-Hammeken

Inatsisartunut ilaasortaq, Agathe Fontain

Nunatta Karsiata 2020-mut naatsorsuutaasa Inatsisartunit akuerineqarnissaat pillugu Inatsisartut aalajangiiffigisassaattut siunnersuut ulloq 29. september 2021-mi siullermeerneqarpoq.

## IMARISAANUT NALUNAARSUUT:

1.0 Aallarniut:	3
1.1 Kukkunersiuinermut Ataatsimiititaliap siunertaa suliassaalu	3
1.2.1. Aktiaateqarluni ingerlatseqatigiiffinnut Namminersorlutik Oqartussanit pigineqartunut atatillugu Kukkunersiuinermut Ataatsimiititaliap piginnaatitaanera	4
1.2.2. Kukkunersiuinermut Ataatsimiititaliap piffissaq atuuffia	4
2.0 Kukkunersiuinermut Ataatsimiititaliap naatsorsuutitut pingaarnertut oqaaseqaatai	6
3.0 Nunatta Karsianut kukkunersiuusut kukkunersiuusut nalunaarutaanni oqaaseqaatai	6
3.1 Ukiumi naatsorsuutitut kukkunersiuusut oqaaseqaataat nutaat	8
3.2 Kukkunersiuusumit oqaaseqaatit ukiut siuliineersut suli ammasut	11
3.3 Inatsisinut naapertuunermik kukkunersiuineq	15
3.4 Ingerlatsinermik kukkunersiuineq	19
4.0 Kukkunersiuinermut Ataatsimiititaliap naatsorsuutitut oqaaseqaatai	23
4.1 Nalinginnaasumik oqaaseqaatit	23
4.1.1 Atorfiit inuttaqanngitsut malitsigisaanillu sunniutit	23
4.1.2 Siunnersortinik avataaneersunik atuineq	24
4.2 Kontonut pingaarnertut ataasiakkaanut apeqqutit	24
4.2.1 Kontot pingaarnertut toqqarneqartut	25
4.2.2 Inuussutissarsiuutitut ilinniarfiit	28
4.2.3. Sanaartornermut Iluarsaassinermullu Aningaasaateqarfik	29
4.3 Suliffeqarfiit namminersortitat	30
4.4. Namminersorlutik Oqartussat ingerlatseqatigiiffiutai	33
5.0 Misissuinerit annertunerusut	35
6.0 Nunatta Karsiata naatsorsuutaanik kukkunersiuusussatut ataatsimiititaliap inassuteqaataa	37
7.0 Nunatta Karsiata 2019-imut naatsorsuutaasa akuerineqarnissaat pillugu inassuteqaat	38
Ilanngussanut takussutissiaq:	40

## 1.0 Aallarniut:

Nunatta Karsiata naatsorsuutai ataatsimiititaliap misissorpai, tamannalu tunngavigalugu apeqqutini arlalinnik Naalakkersuisunut nassiussilluni. Naatsorsuutitut nassuiaatit aammalu kukkunersuisut nalunaarutaannut Naalakkersuisut oqaaseqaataat ataatsimiititaliamit tunngavigineqarput. Isumaliutissiissut una kukkunersuisut nalunaarutaannit, ataatsimiititaliap Naalakkersuisunut apeqqutaanit kiisalu Naalakkersuisut taakkununga oqaaseqaataannit akissutaannillu tigulaakkanik imaqarpoq. Inatsisartut Naalakkersuisullu pillugit Inatsisartut inatsisaanni § 18, imm. 1 naapertorlugu apeqqutit oqaaseqaatillu taamatullu Naalakkersuisut akissutaat isumaliutissiisummi ilanngussatut ataatsimiititaliamit ilanngunneqarput. Paasissutissat inunnut tunngassuteqarsinnaasut imaluunniit paasissutissat isertuussassat ilanngussani atortussanut ilaatinneqangillat.

### 1.1 Kukkunersiuinermut Ataatsimiititaliap siunertaa suliassaalu

inatsisartutigoortumik nakkutilliinerup ikorfartorneqarnissaa, tassungalu ilanngullugu paasissutissanik arlaannaannulluunniit attuumassuteqanngitsunik, kinaassusersiunngitsunik tutsuiginartunillu paasissutissiisarnikkut innuttaasut pisortat ingerlatsineranni takunnissinnaatitaanerannik nukittorsaanissaq kiisalu pisortat ingerlatsineranni akisussaassuseqarnissamik qulakkeerinninnissaq.

Kukkunersiuinermut Ataatsimiititaliap pingaarnertut suliassaqarfii Inatsisartut Naalakkersuisullu pillugit Inatsisartut inatsisaanni §§-ini 18 aamma 19-imi allaaserineqarput. Tassani allassimavoq ataatsimiititaliap ”*Nunap Karsiata Naatsorsuutaasa Kukkunersiorneqartarnerannut Ataatsimiititaliap nunap karsiata naatsorsuutai kukkunersuisullu taakkununga oqaaseqaataat ukiumut ataasiarluni misissortassavai, naatsorsuutillu pisariaqalersitaannik Naalakkersuisunut apeqquteqarlunilu oqaaseqarfiginnittassalluni. Apeqqutit oqaaseqaatillu Naalakkersuisut akissutaat ilanngullugit Inatsisartunut saqqummiutissavai.*” Tamatuma kingorna Kukkunersiuinermut Ataatsimiititaliap pissutsinut isornartoqartissinnaasaanut Naalakkersuisunut ilaasortat akisussaasut kinguneqartitsivigineqassanersut Inatsisartut aalajangiiffigisassaraat. Aammattaaq Kukkunersiuinermut Ataatsimiititaliap Nunatta Karsiata naatsorsuutaanik misissuataarinermut atatillugu isornartorsuiisimappat Naalakkersuisut naalakkersuinikkut akisussaasutut pissutsit iluarsineqarnissaat isumagisassaraat.

Suliassat inatsisini allaaserineqartut saniatigut periutsit suleriaatsillu Namminersorlutik Oqartussat suliassaasa assigiinngitsorpasut ingerlanneqarnissaannut Naalakkersuisunit pilersinneqartut siunertarisatik malillugit atorneqarnersut nalinginnaasumik nakkutilliiviginissaat Kukkunersiuinermut Ataatsimiititaliap suliassami pingaarnarpaat ilaattut isigisaa. Tassunga atatillugu periutsit sakkussallu aningaasaqarnermik aqutsinermut naatsorsuutinillu saqqummiussisarnermut pingaarutillit pigineqarnersut siunertarisartillu malillugu atorneqarnerannik nakkutilliinissaq ataatsimiititaliamit pingaarnarpaatinneqarpoq. Tamanna pissutigalugu *pisortani*

*kukkunersiuinermi ileqqussanut pitsaasunut tunngavigineqartunut sanilliullugu ingerlaavartumik naleqqussaasarnikkut kukkunersiuisarnep ineriartortinneqarnissaa nukittorsarneqarnissaalu Kukkunersiuinermut Ataatsimiititaliamit qitiutinneqartuarpoq. Tamatuma nassataraa aningaasalersuinermi isiginiagassat kisiisa pinnagit aammali inatsisinut naapertuunnermik ingerlatsinermillu kukkunersiuinermi isiginiagassat ilaatinneqartarnerat suli annertusiartussammat.*

Kiisalu ingerlatsinermik kukkunersiuilluni misissuinemik, ”annertunerusumik misissuinerut” aamma taaneqartartumik ingerlatsinissamut ataatsimiititaliaq periarfissaqarpoq. Tamatumani pineqartoq tassaasinnaavoq qulequtaq sunaluunniit aningaasaqarnermut tunngaviusumilluunniit pingaarutalik paasinarsisinneqartussatut kissaatigineqartoq aammalu Kukkunersiuinermut Ataatsimiititaliap piginnaatitaanerata iluaniittoq. Qulequttamik aalajangersimasumik paasinarsisitsinissami siunertarineqartoq tassaagajuttarpoq inatsisit maleruagassallu aammalu ingerlatsinermi ileqqussat pitsaasut kiisalu pisortat aningaasaqarnermik pitsaasumik aqutsinissaanni tunngaviit nalinginnaasut naapertorlugit sipaarniarnissap, naammassisaqarsinnaassuseqarnissap sunniuteqarluarnissallu eqquutsinneqarnissaat eqqarsaatigalugit qulequttanik attuumassuteqarsinnaasunik misissueqqissaarneq. Annertunerusumik misissuinemik misilittakkat uppersaasarsukkat eqikkarniarneqartarput, tassungalu atatillugu misissuineq aallaavigalugu kaammattuutaajunnartut tunngavigalugit suliaasaqarfiit akisussaasut akissuteqaataannik pissarsiniartoqartarpoq. Tunngavissat ataatsimoortut tunngavigalugit Kukkunersiuinermut Ataatsimiititaliaq oqaaseqaateqartarpoq. Pissutsit misissorneqartut qanoq annertutigalutillu pisariutiginerat apeqqutaatillugu annertunerusumik misissuineq nalinginnaasumik qaammatinik 3-12-inik sivilissuseqartarpoq.

#### 1.2.1. Aktiaateqarluni ingerlatseqatigiiffinnut Namminersorlutik Oqartussanit pigineqartunut atatillugu Kukkunersiuinermut Ataatsimiititaliap piginnaatitaanera

Inatsisartut Naalakkersuisullu pillugit Inatsisartut inatsisaanni nr. 26, 18. november 2010-meersumi § 19 naapertorlugu Namminersorlutik Oqartussat aktiaatilittut soqutigisaat Naalakkersuisunit qanoq isumagineqarnersut Kukkunersiuinermut Ataatsimiititaliap nakkutilliisuuffigai.

Tassunga atatillugu ingerlatseqatigiiffiit pillugit paasissutissat Naalakkersuisut pissarsiarisinnaasaasa assinginiq ataatsimiititaliaq pissarsiniarsinnaavoq.

#### 1.2.2. Kukkunersiuinermut Ataatsimiititaliap piffissaq atuuffia

Nunatsinni periutsip nunat avannarliit sinnerinut tamanut sanilliullugu immikkuullarissutigisaa tassaavoq nunatsinni Kukkunersiuinermut Ataatsimiititaliap ukiut tamaasa nutaamik inissitsitertanera. Nunat allat sinnerini tamani kukkunersiuinermut ataatsimiititaliamut ilaasortat piffissamut qinigaaffiusumut tamarmut toqqarneqartarput. Danmarkimi naalagaaffiup kukkunersiuisui ukiut sisamanngorneri tamaasa – Folketingimut piffissaq qinigaaffiusoq apeqqutaatinnagu – toqqarneqartarput – tamatumalu naalagaaffiup kukkunersiuisuisa imminnut



aqunnerannut nukittunerulersitseqqippoq. Kukkunersiuinermut Ataatsimiititaliaq ingerlalluassappat misilittakkat ataavartumillu ingerlatsisinnaaneq assut pingaaruteqartut nunani avannarlerni kukkunersiuinermut ataatsimiititalianit ataatsimullu isigalugu tamanit isumaqatigineqarpoq.

Ukiut tamaasa nutaamik inissitsitertarluni nunatsinni periuseq suleriaatsip allanngortinneqarneranut aammalu Inatsisartuni ataatsimiititaliat sulinerisa aaqqissuuteqqinneqarneranut atasumik 2000-imi atuutsinneqalerpoq. 2000 sioqqullugu ataatsimiititalianut inatsisit malillugit pilersinneqartussanut ilaasortat – tassunga ilanngullugu Kukkunersiuinermut Ataatsimiititaliaq – piffissamut qinigaaffimmut tamarmiusumut atuuttussatut toqqarneqartarput, soorluttaaq nunani allani taamaattoq. Ataatsimiititaliat ukiut tamaasa nutaamik inissitsitertarnerannik – aammalu taamaalilluni ataatsimiititaliamut ilaasortat ukiut tamaasa taarserneqarsinnaanerannik – periuseqarneq pingaartumik Kukkunersiuinermut Ataatsimiititaliami sulinermut naapertuutinngitsumik sunniuteqarsinnaanersoq 2000-imi aaqqissuusseqqinnermut atatillugu erseqqinnerusumik isumaliutigineqanngilaq.

Kukkunersiuinermut Ataatsimiititaliap immikkut ilisarnaatigaa naalakkersuinermut tunngaveqanngitsumik sulinissap anguniartarnera aammalu Nunatta Karsiata naatsorsuutaanut kukkunersiuisullu avataaneersut nalunaarutaannut ukiumit ukiumut peqqissaartumik kinaassusersiunngitsumillu isummernissaq ataatsimiititaliap pingaarnertut suliassarimmagu. Taamaalillunilu ataatsimiititaliap inatsisartutigoortumik tunngavilersukkamik suliaqartutut ingerlanissani anguniarpaa. Naalakkersuinermut tunngaveqanngitsumik sulinissamik anguniagaq Inatsisartut ataatsimiititaliaasa sinnerini sulinermit allaanerungaatsiarpoq, tamatumani ilaasortat naalakkersuinikkut isiginnittaatsitik aallaavigalugit pingaarnersiullutik tulleriaarisinnaanerat inatsisitigut akuerisaalluni aammalu politikikkut qanoq pisoqarnera malillugu ataatsimiititaliamut ilaasortat akulikinnerusumik taarsertarnissaannik kissaateqartoqarsinnaalluni.

Kukkunersiuinermut Ataatsimiititaliamut ilaasortat ukiut tamaasa taarserneqartarnissaannik periarfissaqartitsinnermi pitsaaqutitut taaneqartut ataatsimiititaliamut ilaasortanik taarsiisarnerup ataatsimiititaliap ataavartumik sulinissaanut misilittakkanillu katersinissaanut ajoqusiisarneranit annertunerusutut oqaatigineqarsinnaanerat tunngavissaqarsorinangilaq. Misilittagaqarneq ataavartumillu sulisinnaaneq siuliani taaneqartut ataatsimiititaliap sulineranut annertooujussuarmik pingaaruteqartut Kukkunersiuinermut Ataatsimiititaliaq ersarissumik isumaqarpoq, taamaattumillu Kukkunersiuinermut Ataatsimiititaliap piffissaq inissitsitertarfia piffissamut qinigaaffiusumut tamarmut; soorlu 2000-ip tungaanut taamaassimasoq; atuuttussanngorlugu allanngortinneqassasoq ataatsimiititaliamit kaammattuutigineqarpoq. Taamaaliortoqassappat Inatsisartut suleriaasiata allanngortinneqarnissaa pisariaqassaaq, taamaattumillu Kukkunersiuinermut Ataatsimiititaliap Inatsisartut Siulittaasoqarfiat tamanna pillugu ukioq 2019-imi oqaloqatigaa.

### **Tamanna suli sulissutigineqarpoq.**

## **2.0 Kukkuñersiuinermut Ataatsimiititaliap naatsorsuutitut pingaarnertut oqaaseqaatai**

Nunatta Karsiata 2020-mut naatsorsuutaasa kukkuñersiuisumit Inatsisartunit toqqarneqartumit (Nunatta Karsiata kukkuñersiuisuanit) eqqortumik takutitsisutut, tassalu annertuumik kukkuneqaratillu amigaateqannginnerannik, oqaatigineqarnerat Kukkuñersiuinermut Ataatsimiititaliap naammagisimaarpaa. Namminersorlutik Oqartussat naatsorsuuseriveqarnerat, tassungalu ilanngullugu missingersuutit malitseqartitsilluni sulineq ingerlaavartumik sulii pitsanngoriaateqartartoq Nunatta Karsiata kukkuñersiuisuata ukiut siulii assigalugit takusinnaasimavaa.

Taamatuttaaq kukkuñersiuisut oqaaseqaataat ukiut siuliineersup atsip matuneqarsimanera Kukkuñersiuinermut Ataatsimiititaliamit iluarisimaarneqarpoq, taamaalillunilu kukkuñersiuisut oqaaseqaataat ammasut maanna arfiniliupput, taamaattorli ataatsimik nutaamik takkuttoqarsimavoq. Tamatuma saniatigut kukkuñersuisut oqaaseqaataat – sulii ammasut – allat pitsanngoriarfiusimapput.

Kukkuñersiuisut oqaaseqaataat (2019-1) kukkuñersiuisut inassuteqaataannut nuunneqarpoq takuuk Kukkuñersiuinermut nalunaarummi immikkoortoq 5.2.

Suleriaatsit namminerlu nakkutilliinerit, Namminersorlutik Oqartussat aningaasaliissutit naatsorsuusiormilu maleruagassanik eqquutsitsinissaannut ikorfartuutaasut, patajaallisarneqarnissaat sulii qitiutillugit eqqumaffigineqartariaqarput. Tassunga atatillugu atortorissaarutip ERP-p 2019-imi kvartalit sisamaat aallarnerfigalugu atuutilersimanera ataatsimiititaliamit eqqumaffigeqquneqassaaq.

Pingaarnertut, ukiut siusinnerusut assigalugit, uteqqinneqartariaqarpoq Nunatta Karsiata sukannersumik malinnaavigineqarnissaa taannalu pillugu nalunaarusiat pitsaasuunissaat sulii kissaatigineqarmat, maleruagassat atuuttut naapertorlugit naatsorsuutitut nassuiaatit eqqarsaatigalugit.

Sunniutit uuttortaanerup sulii eqqumaffigineqarnerunissaa ataatsimiititaliamit kissaatigineqarpoq.

## **3.0 Nunatta Karsianut kukkuñersiuisup kukkuñersiuisut nalunaarutaanni oqaaseqaatai**

Pissutsit 2020-mut naatsorsuutitut kukkuñersiuisut avataaneersut Inatsisartunit toqqarneqarsimasut kukkuñersiuinermittit nalunaarutaanni uparuarneqartut matuma kinguliani erseqqissarneqarput. Kukkuñersiuinermittit nalunaarutit kiisalu taakkununga Naalakkersuisut oqaaseqaataat ilanngussatut ilanngunneqartuni takuneqarsinnaapput.

Pingaarnertut oqaaseqaatit

Nunatta Karsianut kukkunersiuisut avataaneersut inerniliipput piffissamut 1. januar – 31. december 2019-imut naatsorsuutit pingaarnerusuni tamani eqqortuusut, tassa Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaannut nr. 26, 28. november 2016-imeersumut kingusinnerusukkullu allannguuteqartinneqartumut naapertuuttumik suliaasut.

Inerniliineq pissutsit ilaannut makkununga oqaaseqaatinik ilaqartinneqarpoq:

Nunatta Karsianut kukkunersiuisut kukkunersiuisut nalunaarutaanni allapput

”Namminersorlutik Oqartussat ERP-mik aaqqissuussamik nutaamik, kontomut pilersaarummik nutaamik aamma aqutsisut paasissutissiissutaannik nutaamik 2019-imi atuutsitsilerput.

Taakkua ukiup ingerlanerani naatsorsuuserinermik ingerlatsinerminni taamatullu ukiumik naatsorsuuseriffiusumik naammassinninnermi sunniuteqarsimapput. Taamaattumik qaammatit pingasukkuutaarlugit aningaasaqarneq pillugu malitseqartitsinerminni suliaqartoqarsimanngilaq, soorluttaaq ukiumut naatsorsuutitut uppersaatissanik suliaqarneq unammillernarsimasoq. Aamma kontonut inissitsiterineq aamma taamaattumik naatsorsuutini inissitsikkat ataasiakkaat nalorninaateqarput, suliffeqarfissuarmi kontonut pilersaarut nutaqaq tamanit sungiutivinneqarsimanngimmat.

ERP-mik aaqqissuussamik nutaamik atulersitsineq ukiut siuliini kukkunersiuisut oqaaseqaataannut saqqummiunneqartartunut iluarsissuteqassasoq suliffeqarfissuarmut pingaartinneqarsimavoq.

Naatsorsuutigaarput tamanna 2020-mi piviusunngussasoq, ukiumi tassani aaqqissuussaq nutaqaq ukioq ilivitsaq atorineqarsimassaaq. Taamaattoq malugeqqarput, aaqqissuussakkut nutaakkut unammilligassat tamarmik aaqqinneqarsimanissaat naatsorsuutigineqarsinnaanngimmat, aaqqissuussamik atugaqarnermut atasumik ingerlatseriaatsinik piginnaassutsinillu naleqqussaannerup aamma pisariaqartussaana pissutigalugu – minnerunngitsumik aaqqissuussamik aamma kontonut pilersaarummik atuinnissami ileqqussaasunik eqquutsitsinermit malittarisassanik malinneqqissaarsinnaanermut annertuumik piumassuseqarsinnaanissaq piumasaqaataammat. ”

2020-mut ukiumoortumik naatsorsuutitut Nunap Karsianik naatsorsuusiordermi nallaqqavoq.

” Ukiut siuliini kukkunersiuisut oqaaseqaataannut saqqummiunneqartartunut ERP-mik aaqqissuussamik nutaamik atulersitsineq iluarsissuteqassasoq suliffeqarfissuarmut pingaartinneqarsimavoq.

2020-mi siuariaateqartoqarsimanera takusinnaavarput, kisianni suli iliuuseqartoqarnissaa pisariaqarpoq

amigaatit siornatigut tikkuarneqarsimasut tamakkiisumik ikiorserneqarnissaannut.”

! Nunatta Karsiata kukkundersiuisuata kaammattuutaasa pingaarnersiorneqarlutik piviusunngortinneqarnissaannut ukiut arlalissuit ingerlaqqaartassanngitsut ataatsimiititaliamit kaammattuutigineqarpoq.

Naatsorsuutit pillugit nalunaarut nutaaq

Kontonut pilersaarut nutaaq pisortat ataatsimoorussaata aallaavigalugu Namminersorlutik Oqartussanut aamma kommuninut naatsorsuutit pillugit nalunaarummik ataatsimoorussamik suliaqartoqarpoq. Nalunaarut tusarniaassutigineqarpoq kisianni sulit akuersissutigineqanngilaq.

Nunatta karsiata naatsorsuutai inissitsiterneqarput skemamik piumasaqaatit pinngitsoornani atorineqartussat aallaavigalugit.

Pingaarnertut oqaaseqaatinut ilaapputaaq ukiumoortumik misissuataarinermi kukkundersiuisut oqaaseqaataat kiisalu ukiunit siusinnerusunit qulequttat sammineqaqqissimasut Naalakkersuisunillu akissuteqarfigineqarsimasut. Nunatta Karsiata kukkundersiuisua 2020-mi nutaamik ataatsimik oqaaseqaateqarnissamut pissutissaqarsimavoq. Tamatuma peqatigisaanik oqaatigineqassaaq ukiut siuliini oqaaseqaatigineqartunit arfinilinniit ataaseq Nunatta Karsiata kukkundersiuisuata matusinnaasimagaa.

Ataani ataatsimiititaliap oqaaseqaatai eqikkaarneqarsimapput, tassa issuaqqissaarneqaratik.

Ukioq naatsorsuusiortik tamarmiusoq ilanngussatut ilanngunneqartuni takuneqarsinnaavoq.

Eqikkaanerit ilanngunneqarsimasut;

kukkundersiuisoq (-)

aammalu ukioq manna ukiullu siuliini *Naalakkersuisunit akissutit* (○) ukioq pineqartoq nalunaarlugu.

Kukkundersiuisut nalunaarutaanni Nunatta Karsiata kukkundersiuisuata oqaaseqaatai normumi innersuunneqartumi pineqarput:

### **3.1 Ukiumi naatsorsuutitut kukkundersiuisut oqaaseqaataat nutaat**

- Ukiumi kukkundersiuisut kukkundersiuisut nutaanik oqaaseqaateqarnissaannik tunngavissiivoq.

2020-1 Atuisunik allaffissorneq aamma allaffissornermi aqqissuussani paasissutissanik isumannaallisaaneq.

Nunatta Karsiata kukkunersiuisuata oqaatigaa

Pisortat suliffeqarfiutaannik allanik pissaaqatigiissutit naligiissaarneqarnerat:

” Naatsorsuutit eqqortumik takutitsinissaannut pingaaruteqarpoq isertitat aningaasartuutillu piffissamut eqqortumut naatsorsuutitut ilanngutsinneqartarnerat. Tassannga qularnaarinninnermi pingaaruteqartoqtassaavoq pissat aamma akiitsut illuatungerisat nalunaarsugaannut naligiissaarneqartarnerat– ingerlaavartumik aamma ukiumik naammassinninnermut atasumik.

Namminersorlutik Oqartussat kommunillu, suliffeqarfiit nammineertitat aamma ingerlatsivinnik tamakkiisumik imminnut pigisut arlallit akorniminni pissaaqatigiissuteqarput.

Taamaattumik Namminersorlutik Oqartussat aamma pingaarnertut atuuffeqarpoq, pisortat suliassaqaarfiutaasa aamma ingerlatsiviit tamakkiisumik imminnut pigisut akornanni ataqaatigiissoqarneranik tassannga qularnaarinissamut.

Malugaarput tassunga tunngasumik suliaqartoqartoq, kisianni 2020-mi ukiup naammassineranut atasumik pissaaqatigiissutit naligiissaarneqarnerannik suli amigaateqartoq paasivarpuit.

Kontomut pilersaarut nutaaq pillugu anguniagaavoq, pisortat suliassaqaarfiat akimorlugu aningaasaqarnermik naatsorsuutitut tunngavissaq pitsaanerusoq pilersinneqassasoq.

Taamaattumik aalajangiisuulluinnarpoq immikkoortortat akimorlugit isertitat aningaasartuutillu naatsorsuutitut ilanngunneqarneranni assigiissoqartarnera – aamma kontonut inissitsiterineq nalunaarusiornerillu aqqutigalugit ”suliffeqarfiup iluani” aningaasartuutit aamma isertitat naligiissaarneqarnissaannut tunngavissamik pilersitsineq, Namminersorlutik Oqartussat, kommunit, suliffeqarfiit nammineertitat aamma ingerlatsiviit Namminersorlutik Oqartussanit pigineqartut akimorlugit pissat akiitsullu naligiissaarneqarsinnaanerit.

Taamaattumik innersuussutigissavarpuit ingerlatseriaatsinik pilersitsisoqaqqullugu siunissaq eqqarsaatigalugu suliassamik tassannga ingerlaavartumik suliarinninnermik qulakkeerinnissutaasuussamik.”



### Kukkunersiuisut oqaaseqaataat 2020-01

**Pisortat ingerlatsiviutaannut allanut (ingerlatseqatigiiffiit namminersortitat, ingerlatseqatigiiffiit Namminersorlutik Oqartussanit pigineqartut kiisalu kommunit) akiligassat naligiissarneqarnerat**

#### Akissut:

Namminersorlutik Oqartussat kommunillu aningaasaqarnermut atortuminnik taarsersuisimapput imaluunniit taarsersuillutik aallartissimapput, tamatumalu soorunami kingunerisimavaa naatsorsuuserinermi sulisussat ilarpassui suliassamik taassuminnga sulisussanngortinneqarsimammata imaluunniit suliaqartinneqarsimammata. Qitiusumik Naatsorsuuseriffik kommuninut pisortanilu ingerlatsivinnut allanut tunngatillugu akiligassat (pissarsiassat akiitsullu) naligiissarneqarnerarnissaannut nukippassuarnik massakkut atuisarpoq. Naligiissarinerit tamakku immikkoortortaqaarfimmi naatsorsueriaatsinut ingerlaavartunut ilanngunneqareepata Namminersorlutik Oqartussat, kommunit, ingerlatseqatigiiffiit namminersortitat ingerlatseqatigiiffillu Namminersorlutik Oqartussanit pigineqartut aqqutigalugit "suliffeqarfiup iluani" aningaasartuutit isertitallu naligiissarneqarnerarnissaat aamma qitiutinneqalissaaq.

#### Ineriartorneq Ataatsimiititaliamit malinnaavigineqassaaq

### 3.1.1 Kukkunersiuisunit oqaaseqaatinit Kukkunersiuisunit innersuussutitut allanngorpoq.

2019-1 Atuisunut allaffissorneq allaffissornikkullu atortorissarutini paasissutissat pillugit isumannaallisaaneq.

Tamanna 2019-imi kukkunersiuisunit oqaaseqaatitut Nunatta Karsiata kukkunersiuisuanit atorneqarnikuuvoq. Tamannalu kukkunersiuisunit innersuussutinngorlugu allanngortinneqarpoq takuuk immikkoortoq 5.2, IT atorneqarnissaa nalinginnaasumillu IT-nik nakkutiginninnerit.

Kukkunersiuisunit innersuussutitut pillugit ataatsimiititaliamit apeqquteqaatit Naalakkersuisunit akissuteqarfigineqarput.

Nunatta Karsiata kukkunersiuisuata nalunaarutaani qupperneq 1369-1370 Nunatta Karsiata kukkunersiuisuata innersuussutai arlallit allaqqapput. Kukkunersiuisup innersuussutaanut 01-07 akissuteqaatitut taakkua Naalakkersuisumit akissuteqarfigineqarput. Nassuiarluagaallutillu akissuteqarfigineqarluartut ataatsimiititaliaq isumaqarpoq.

! Nakkutilliinermik suliassaqaarfiup iluani ineriartorneq Kukkunersiuinermut Ataatsimiititaliamit malinnaavigineqassaaq.



### 3.2 Kukkunersiuisumit oqaaseqaatit ukiut siuliineersut suli ammasut

- 3.2.1 Akissarsianik kukkusunik tunniussisoqartannginnissaa qulakkeerniarlugu akissarsiat tamakkiisut allattorsimaffii ataavarnerusumik atorneqartariaqarput.
  - (2015) Akissarsiat tamakkiisumik allattorsimaffiannik suliassaq, tassungalu ilanngullugu akissarsiat tamakkiisumik allattorsimaffiannik 2016 aamma 2017-ip ingerlanerani sularinninnissamik piumasaqaat pillugu isumaqatigiissut pingaarnerutinneqassapput.
  - (2016) Namminersorlutik Oqartussat akissarsialerivianni 2017-imi allanngortitsisoqarniarpoq, tamannalu aqqutigalugu sulisunut akisussaasut akissarsiamut aningaasartuutunik suliagarnerminni siornamut sanilliullugu annerusumik iluaquserneqartussaallutik. Allanguisoqarnerani ilumut sulisunut akisussaasut nakkutilliinermikk suliagarnerisut pillugit qitiusumiit nakkutiginninnissaa aamma iluaquserneqartussaavoq.
  - (2017) Suleriaatsit pitsanngorsarnerat akissarsialeriffiup 2018-imi aallartippaa.
  - (2018) Aaqqiissut 2019-ip ingerlanerani atuutilissasoq naatsorsuutigineqarpoq.
  - (2019) Akissarsiat tamakkiisut allattorsimaffiinnut tunngatillugu eqqaasitsissuteqartarnermik atortorissaarutip inaarlugu ineriartortinneqarnissaa 2020-mi isumaqatigissutigineqarpoq. Atortorissaarutip 2020-mi oktoberimi atulersinneqarnissaa ingerlatilernissaalu naatsorsuutigineqarpoq.
  - (2020) Atortup isumaqatigiissutaasup atortussanngortinnissaa kinguartoorfiusimavoq, tassami nioqqutilik tunniussassamik isumaqatigiissutaasumik tunniussisinnaangitsoq paasinarsissammat. Nukingisaarutitut atortup immi ingerlasartup atorneqalernissaa tikillugu nammineerluni suleriaatsip pigiinnarnissaata pingaaruteqassusaa akissarsialerivimmit erseqqissarneqarpoq. 2022-p aallartinnerani akissarsialerinermit atortumik nutarterinissamut eqqarsaataasumut atatillugu immi ingerlasartup eqqarsaataasup atorneqalernissaa misilinniarneqarpoq.

Paasissutissiissutigineqartut Kukkunersiuiernermit Ataatsimiititaliamit tusaatissatut tiguneqarput.

- 3.2.2 Ukiup ingerlanerani taarsigassarsianik malinnaatitsilluni suliagartarnerup kiisalu naligiissarisarnerup qitiutillugit aallunneqarnerulernissaat
  - (2015) Taarsigassarsianik naligiissarinermit naliusunillu naliliinermik suliag naammassineqangajalerpoq.
  - (2016) Taarsigassarsititsisarnerup aqunneqarnerata makkunatigut ineriartorfioqqinnissaa pillugu suliniartoqarpoq:
    - Namminersorlutik Oqartussat suliffeqarfiliu namminersortitat akornanni naligiissaariuarnerit nukittorsarneqassapput.

- *ESU-mi BSU-milu taarsigassarsiaritinneqartunik naligiissaarineq ingerlajuassaaq, INI-llu taarsigassarsiaritinneqartuni taarsigassarsiaannut tunngatillugu nakkutilliineq naligiissaarinnermut nutaamut naleqqussarneqassaaq.*
- *Ukiut 2017/2018-ikkut nikinneranni ERP-mi nutaami atortoq nutaaq alla atorlugu massakkut taarsigassarsititseriaatsip taarsernissaa sulissutigineqarpoq.*
- *(2017) Naligiissaarineq 2017-imi pitsanngoriarsimavoq, INI-mut tunngatillugu taarsigassarsiat suli sulissutigineqarput.*
- *(2018) Taarsigassarsianik aqutseriaaseq nutaaq aqutigalugu ingerlaavartumik malitseqartitsisoqarsinnaalissaaq. Aqutseriaaseq nutaaq 2020-p ingerlanerani piariissasoq naatsorsuutigineqarpoq.*
- *(2019) Taarsigassarsiaritit at ingerlaavartumik malitseqartinnissaannut naligiissartarnissaannullu periutsimik pilersitsiniarneq 2020-mi isiginiarneqassaaq. Taarsigassarsisitsineri atortorissaarummik nutaamik nassaarniarneq suli ingerlavoq, taamaattoq inaarutaasumik suli aalajangertoqarani. Taamaattumik taarsigassarsisitsineri atortorissaarut pisoq ukiut arlaqanngitsut iluanni atorunnaarsikkiartuaarsinneqassaaq.*
- *(2020) Atortup isumaqatigiissutaasup atortussanngortinnissaa kinguartoorfusimavoq, tassami nioqqutilik tunniussassamik isumaqatigiissutaasumik tunniussisinnaangitsoq paasinarsissammat. Nukingisaarutitut atortup immi ingerlasartup atorineqalernissaa tikillugu nammineerluni suleriaatsip piginnarnissaata pingaaruteqassusaa akissarsialerivimmit erseqqissarneqarpoq. 2022-p aallartinnerani akissarsialerinnermut atortumik nutarterinissamut eqqarsaataasumut atatillugu immi ingerlasartup eqqarsaataasup atorineqalernissaa misilinniarneqarpoq.*

Paasissutissiissutigineqartut Kukkunersiunerimut Ataatsimiititaliamit tusaatissatut tiguneqarput.

- 3.2.3 Pilersuisunut akiitsunik naligiissaarineq pitsaanerulerpoq sulili sukateriffigineqartariaqarluni.
- *(2015) Akiligassaqaqfinnik annerpaanik naligiissitsisarnernik qaammatikkaartumik uppersarsaasiisoqartalissaaq taamatullu akiligassaqaqfiit minnerusut ilaannik tiguisarluni misissuisoqartalerluni.*
- *(2016) Akiitsoqarnermut tunngatillugu naligiissarisarnerup pitsanngortinnissaa 2017-imi sulissutiginiarneqarpoq. Taamatut naligiissarisarneq unaminartuuvooq, tamatumunngalu ilaatigut pissutaavoo akiitsoqartitsisoq namminersorlutik oqartussani immikkoortuarpassuarnut nassiussuisarmat, tamannalu pissutigalugu namminersorlutik oqartussani kontunik arlalinnik nassitsiffissaqarluni. Ingerlaavartumik naligiissarisarnissat nukittorsarniarlugit sulisoqarpoq, akiitsoqarfiillu qaammatit tamaasa naligiissarisalissapput.*

- (2017) *Akiligassaqaqarfinnut naligiissaarinermi suleriaatsip pitsanngorsarnera 2018-imi suliarineqassaaq. ERP-mi nalunaarsuiffik aqutigalugu aaqqinneqassasooq naatsorsuutigineqarpoq.*
- (2018) *ERP-mik aqutseriaaseq nutaaq juni 2019-imi ingerlalersooq aqutseriaasitoqqamut sanilliulluni naligiissaarinermik suliaqarneq pitsaannerusumik tapersertarpaa, taamaattumillu 2019-ip sinnerani 2020-illu aallartinnerani ilanngullugu pitsanngoriaatit piviusunngussapput.*
- (2019) *Namminersorlutik Oqartussat 2019-imi ERP-systemi nutaaq, kontut nalunaarsorsimaffiat nutaaq aamma pisortat akornanni paasissutissiivik nutaaq atuutilersippaat, atuutilersitsinerup kingunerisaanik pilersuisunut taarsigassarsianik naligiissaarinermik sulineq kinguaattoorpoq – kinguaattoorneq angummanniarnermik kingornatigut ajornakusoortitsisoq. 2020-mi naligiissaarinermik periutsinik, akiligassaqaqarfinmi naligiissaarinermik sulinermik pitsanngorsaasumik pilersitsinissaq, tassunga ilanngullugu inissitsikkanik ammaannartunik naligiissaarinermilu assigiinngissutsinik iluarssiisuteqarnissaq isiginiarneqarput.*
- (2020) *Ukiup ingerlanerani suliaassaqaqarfinmi suleriaatsip pitsanngortinnissaa sulissutigineqarsimavoq. Qitiisumik Naatsorsuuserinermut Immikkoortortaqarfiup nioqquteqartartunut akiitsut naligiissarneqarnissaannut sulinermik sulii pitsanngorsaaniarluni sulinera 2021-mi ingerlaannassaaq.*

Paasissutissiisutiginartut Kukkunersiuserinermut Ataatsimiititaliamit tusaatissatut tiguneqarput.

-3.2.5 Akissarsiat naatsorsuutitut nalunaarsoriikkat naligiissaarneri, kiisalu Sulinal aamma XAL ataqtiginnerannik naligiissaarineq.

Immikkoortoq nunatta kukkunersiuserinermut matuneqarpoq.

Tamanna ataatsimiititaliamit naammagisimaarneqarpoq.

- 3.2.6 Akiligassaqaqarfiit aamma aningaaserivimmiittuutit naligiissaarneranni inissitsikkat ammasut aalajangiiffigineqarneranni amigaatit. (Kukkunersiuserinermut oqaaseqaataa 2016-04)
- (2016) *Aningaaserivinni kontunut tunngatillugu DcR-imi naleqqussaasarnermut periutsit atorineqartut 2016-imi allanngortinneqarsimapput, taamaaliornikkut kontut sorliit naleqqussarneqarsimanersut, qassiunersut, qanoq pisoqaatiginersut aamma akiitsut ammaannartut qassiusinnaaneri tamakkerlugit takuneqarsinnaalersimallutik. Kukkunersiuserinermut takussutissanut taakkununga nutaanut isersinnaalersimavoq.*

*DcR-imi naleqqussaasarnertit allanngornerisa kingorna kontunut aalajangersimasunut aningaaserivinni naleqqussaanerit ingerlanneqarfianni malitseqartitseriaatsimik suliaqarluni Kukkunersiuisoqarfik aallartissimavoq.*

- *(2017) Naligiissaarinermi periutsinik pitsanngorsaaneq ingerlaavartumik sulissutigineqarpoq.*
- *(2018) Inississukkat ammasut isumannaarnissaannut DcR-imi nukissanik atuisoqangaatsiartarpoq tamatumalu kingorna taakkuninnga isumaginninnissami immikkoortunut paasissutissiillunilu ikiorsiisarpoq. Namminersorlutik Oqartussani qitiusumik kukkunersiuisarfiup suleqatigineratigut tamanna suliarineqartarpoq. Siunissami aallussassat tassaapput malitseqartitsineri suleriaatsip pitsanngortinnissaa naatsorsuutinilu inississukkat ammasut aaqqiivigineqartarnissaat.*
- *(2019) Inississukkat ammasut isumannaarnissaannut DcR-imi nukissanik atuisoqangaatsiartarpoq tamatumalu kingorna taakkuninnga isumaginninnissami immikkoortunut paasissutissiillunilu ikiorsiisarpoq. Namminersorlutik Oqartussani qitiusumik kukkunersiuisarfiup suleqatigineratigut tamanna suliarineqartarpoq. Inississukkanik ammasunik malitseqartitsisarnermik isumaginnittarnermillu periutsinik pitsanngorsaanaissaq suli isiginiarneqassaaq.*
- *(2020) Tamanna ukiup ingerlanerani sulissutigineqarsimavoq. Suliassat ammasut malitseqartittarnissaannut suliarisarnissaannullu suleriaatsit pitsanngortinnissaat Qitiusumik Naatsorsuuserinermut Immikkoortortaqarfiup 2021-mi suli qitiutinniarpa.*

Paasissutissiissutigineqartut Kukkunersiuiinermut Ataatsimiititaliamit tusaatissatut tiguneqarput.

- 3.2.8. Ernialersuineri aamma akilersuutini akileeqqusissutini ingerlatsineri amigaataasut.
- *(2018) Allaffissornikkut periutsumik ilanngussisoqarnikuuvooq, tamanna taarsigassarsiat akilerneqarsimasut, eqqortumik naatsorsuuserinikkut suliarineqarnissaannik qulakkeerisuuvooq. Siunissamut aaqqiissutissaq suli tassaassaaq, taarsigassarsisitsineri atortorissaarummut nutaamut taarsigassarsiarineqartut nuunnissaat. Taarsigassarsisitsineri atortorissaarummik nutaamik nassaarniarneq suli ingerlanneqarpoq, kisianni inaarutaasumik aalajangernissaq suli pinngilaq.*
- *(2019) Namminersorlutik Oqartussat taarsigassarsiasanik, piviusumilli tapiissutaasunik soorlu assersuutigalugu ernialersugaanngitsunik akilersuutitaqanngitsunillu taarsigassarsisitsisarnerat pissutigalugu taarsigassarsianut atortorissaarummik nutaamik nassaarniarnissaq ajornakusoorpoq. Taarsigassarsititsisarnerni nalinginnaanerusuni amerlanerusuni pissutsinik taama ittunik isumaginninnissamut atortorissateqanngilaq.*
- *(2020) Taarsigassarsisarnermut atortumik nutaamik nassaarniarluni sulineq sulisup pingaarutillip taarserneqarnissaa pissutaalluni unitsinneqarallarpooq. Maanna sulisumik*

*nutaamik atorfinitsitsisoqarsimavoq, taarsigassarsititsisarnermullu atortumik nutaamik nassaarniarluni sulineq aallarteqqinneqassaaq. Taamaattumik taarsigassarsitsinermi atortoq pisoqaq ukiut arlaqanngitsut iluanni atorunnaarsinneqarsinnaassaaq. 2019-imi akissutigineqartoq naapertorlugu erseqqissarneqassaaq unammilligassat amigartumik sulisimanermit pisuunngimmata, kisiannili aaqqiissutissanut pingaarutilinnut sulisussaaleqinermik isersinnaannginnermillu tunngaveqarmata.*

Paasissutissiissutigineqartut Kukkuersiuinermut Ataatsimiititaliamit tusaatissatut tiguneqarput.

### **3.3 Inatsisinut naapertuunnermik kukkuersiuineq**

2015-imit ilaatinneqalerpoq. Tamanna imatut paasineqassaaq kukkuersiuinermi anguniarneqartut ilagigaat nakkutigissallugu allaffissornikkut ingerlatsineq iliuutsillu naatsorsuutitut saqqummiussanut ilaatinneqartut, aningaasaliissutitut nalunaarutigineqartunut, inatsisinut peqqussutinullu allanut kiisalu isumaqatigiissutitut nalinginnaasumillu periutsitut naapertuuttuunersut. Aningaasalersuineramik kukkuersiuinermut atatillugu inatsisinut naapertuunnermik kukkuersiuineq pisortani kukkuersiuinermi ileqqussanut pitsaasunut ilaavoq. Suliassaqarfiup taassuma Nunatta Karsiata naatsorsuutai pillugit kukkuersiuisut nalunaarusiaannut ilaatinneqarnera suli annertusiartortinneqarpoq.

#### Nakkutilliinermik suliassaqarfik pillugu

Nakkutilliinermik suliassaqarfimmi ingerlatsiffigineqartartut tassaapput suliffeqarfik, ingerlatseriaatsit, piginnaassutsit aamma atortut ikiorsiissutit maleruagassat eqquutsinneqarnissaannik Namminersorlutik Oqartussat qulakkeerinninniarlutik sulineranni ikorfartuutaasut.

Ukiunut siuliinut tunngatillugu siunnersuutit uku Nunatta Karsiata kukkuersiuisuata isumaliutigisassanngorlugit saqqummiuppai:

- Ileqqorissaarnermut najoqqutassiorneq
- Inatsisit allattorsimaffiisa katersat nukittorsarneqarnerat
- Suliamik ingerlatsisunut qarasaasiat aqutigalugit ilinniarnernik atulersitsineq
- Suliamik ingerlatsinermi qarasaasiap piginnaasaata nukittorsarneqarnissaa
- Suliani inatsisinik paasinninnermut tunngasuni, aallartitatut pisinnaatitaaffiit aamma attuumassuteqartussaanninnermut malittarisassat pillugit nalornisoqarsimatillugu Inatsilerinermik immikkoortortaqaqarfinnut paasiniaasussaatitaanermut pisussaaffik
- Sulianik ingerlatsinerup suliffeqarfiup iluani kingusinnerusukkat nakkutilliiffigisarnissaanik eqqussineq

Qulequttat nakkutilliinermik suliassaqarfiup pitsanngorsarneqarnissaanik kukkuersiuisup avataaneersup Naalakkersuisullu allaffeqarfiisa akornanni ingerlaavartumik oqaloqatigiinnernut



ilaapput. Immikkoortut itisilerneqarnissaannut Nunatta Karsiata 2016-imut naatsorsuutaanut isumaliutissiissut innersuussutigineqarpoq. Nunatta Karsiata kukkunersiuisua ingerlaavartumik malitseqartitsisarpoq akissutillu siunissami suliaassanut ilannguttarlugit.

Naalakkersuisut 2021-mi ima akissuteqaammik ilanngussaaput:

<b>Kukkunersiuisut innersuussutaat - 15</b>
Allakkianut pisussaaffiit pillugit malittarisassani immikkut ilinniartitsinerit ingerlanneqassanersut isummerfigineqassasoq - tamannalu suliffeqarfiup iluani, suliatigut aqutsisut nakkutiginninnerat aqqutigalugit malitseqartinneqassasoq, takuuk taamaattumik pilersitsisoqarnissaa pillugu siusinnerusukkat innersuussutigisimasavut, innersuussutigineqarpoq.
<p><b>Akissut:</b></p> <p>Naalakkersuisut qanoq iliorluni innersuussutigineqartoq suleqatigiiffimmi pitsaanerpaamik atortussanngortinneqarsinnaanersoq isummerfigissavaat. Allakkianut pisussaaffiit pillugit malittarisassat ingerlatsinermut tunngavissanik nalinginnaasunik malinnittut sulilerlaanut pinngitsoorani ilitersuilluni pikkorissartitsinernut atatillugu erseqqinnerusumik taaneqarnissaat eqqarsaataasinnaavoq.</p>

- 
- Nakkutilliinermik suliaasaqarfiup iluani ineriartorneq Kukkunersiuiinermut Ataatsimiititaliamit sulii malinnaavigineqarpoq.

### Aningaasaliissutinik nakkutilliineq

Aningaasaliissutinik nakkutilliinermut ilaapput atukkat paarlattuanik aningaasaliissutit, nuussinissamut malittarisassat il.il.

Nunatta Karsiata kukkunersiuisuata naatsorsuutitut nassuiaatit misissorpai. Nunatta Karsiata kukkunersiuisuata maluginiarpaa (qupp. 1383, Immikkoortoq 6.2) :

”Naatsorsuutinulli nassuiaatit peqqissaarunneqaneri pissutaasunillu allaaserisaqartarneq nikerarput – tassunga ilanngullugit nikingassutit suliaasanik allanngortitsisimanernik pissuteqarnersut erseqqinnerusariaqarput.

Atorfiit inuttaleruminaatsinneqarsimaneri nikingassutitut pissutaappata, isumarput malillugu tamanna suliaasaqarfiup iluani naammassinninniarnermut qanoq kinguneqarsimanersoq allaaserineqartariaqarpoq.



Nikingassutitut nassuiaatini amerlanngitsuinnarnit taaneqarpoq, suna pissutigalugu nikingassutit matussuserniarlugit aningaasaliissutit pissarsiniarnerup pisinnaasimannginera.”

Ukioq 2020 aningaasaliissuteqarfiunngitsuni qaangiilluni atuiffiorujussuanngilaq. Atuinikiffiit sunniutai annikitsuinnarmik nassuiaateqarfigineqarput imaluunniit covid 19 nualluussuarmut innersuunneqarlutik.

! Nikingassutit nassuiaatigineqarnissaannik maleruagassat immikkoortortanut erseqqissarneqarnissaat kiisalu nikingassutit **sunniutaat** allaaserineqassasut Kukkunersiuiinermut Ataatsimiititaliamit sakkortuumik kaammattuutigineqarpoq.

#### Pisiniarnernik ingerlatsinerit

Neqerooruteqartitsisarnermut inatsit nutaaq 1. juli 2019-imi atuutilersoq Kukkunersiuiinermut Ataatsimiititaliamit maluginiarneqarpoq.

Aaqqissuussaasumik pisiniarnermut immikkoortortamik 2020-mi pilersitsisoqarnikuuvortaaq.

Nunatta Karsiata kukkunersiuisuata oqaatigaa:

”Aammattaaq kaajallaasitaq isumaqatigiissutit tunniussinermut atuuttoq atuuppoq, taanna nioqqutissanik kiffartuussinernillu pisiniarnermut tunngassuteqartoq. Naliliisoqarpoq nioqqutissanik kiffartuussinernillu pisinermi isumaqatigiissutit tunniussinissamut kaajallaasitamik eqquutsitsineq pingaarnertut unammillernartoqartoq.

Namminersorlutik Oqartussat pisiniartarnermut immikkoortortamik pilersitsisimavoq, tassannga suliarineqassaaq suliassa qarfiit assigiinngitsut akimorlugit neqerooruteqartitsineq aamma suliassa qarfinnut ataasiakkaanut neqeroortitsinernik immikkut ittunik ikiuunneq.”

! Pisiniarnernik suliassa qarfimmi ineriartorneq, tassungalu ilanngullugu inatsimmik nutaamik atuutsitsilerneq taassumalu **sunniutai** Kukkunersiuiinermut Ataatsimiititaliamit qanimut malinnaavigineqarput.

#### Aningaasarsianut atorfinitsitsisarnermullu tunngasumik iliuutsit

Kukkunernik annertuunik siumuisoqarsimanngilaq.

Nunatta Karsiata kukkunersiuisuata oqaatigaa, suliani ataasiakkaani isumaqatigiissutit naapertorlugit tapinik akiliuteqartoqartarsimasooq, isumaqatigiissutit nalinginnaasut aaqqissuuteqqinnerat naapertorlugit aaqqiiffigineqartarsimanngitsunik.

Ilisimatitsissutigineqarpoq kingorna aaqqiissutiniq suliaqartoqartartoq aamma tapit ataasiakkaat pillugit akiliuteqartoqarluni.

! Paasissutissiissutigineqartut Kukkunersiuinermut Ataatsimiititaliamit tusaatissatut tiguneqarput.

### Tunisinerit

Suliassaqaqfinnut arlalinnut tunngatillugu Namminersorlutik Oqartussat suliffeqarfiutaat avataani suleqatigisanut kiffartuussinernik tunisaqartarput. Erseqqinngilarli suliat sorliit ”isertitanit matussuserneqartartutut” ingerlanneqartarnersut aammalu kiffartuussinerit taakkua akii qanoq aalajangersarneqartarnersut.

Nunatta Karsiata kukkunersuiisuata kaammattuutigaa:

”Taamaattumik innersuussutigiumavarput, ingerlatsiviit isertitanit matussuserneqartartut najoqqutassaannik suliaqartoqaqqullugu, akunnermut akinik naatsorsuisoqarnissaanut piumasaqaatit ilanngullugit kiisalu allaffissornermi qulequtassaq (allaffissornermit ilanngussaq), angusassatut piumasaqaatinut aalajangersaanerit kiisalu sinneqartoortaa sinnaasut atornissaannut aalajangersaanerit”

Naalakkersuisut akipput:

*“ Suliassaqaqfinnut tunngasuni, ingerlassat isertitsissutaasartut imaluunniit atuisut akiliutaat missingersuutitut tamarmiisut pingaarutilimmik ilaasimatillugit – assersuutigalugu aatsitassanut tunngasuni – akunnermut-sulianik aqutsineq atorineqarpoq, tamatumani nukissanik atuinertup eqqoqqissaartumik naatsorsuiffiginissaanik periarfissiisumik.*

*Suliassaqaqfinni allani, ingerlassat isertitsissutaasartut annikitsuinnarmik sunniuteqarfigisartagaanni, akunnermut-sulianik aqutsineri atortulersuutiniq atuilernissaq, iluaqutaasinnaanera eqqarsaatigalugu, aningaasartuutiniq atuinartuussasoq Naalakkersuisut nalilerpaat.*

*Kontuni pingaarneri ataasiakkaani isertitaqarnissamut periarfissat, taakkununga oqaasertaliunneqartut aqqutigalugit maleruagassiorneqarnikuupput. Suliniutinut avataaniit aningaasalersorneqartunut tunngatillugu – assersuutigalugu ilinniartitaanermut tunngasuni – maannakut periutsimi atugaasumi, ataatsimut periutsumik taaneqartartumi, tamakkiisumik takussuserneqarneq ajorpoq. Tamatuma sutigut qanorlu iliorluni allannortinneqarsinnaanera tunngaviatigut isummerfigineqarsinnaavoq, taamaaliornikkut suliassat qanoq annertutigineri aningaasanut inatsimmi naatsorsuutiniq erseqqissumik takuneqarsinnaassammata, taamaakkaluartorli taamatut suliniuteqarnissaq pisariaqavinnersoq takussutissaqanngilaq. ”*

Kukkunersiuinermut Ataatsimiititaliamit paasissutissiissutigineqartut tusaatissatut tiguneqarput.

### 3.4 Ingerlatsinermik kukkunersiuiineq

Aningaasalersuineramik aammalu inatsisinut naapertuunnermik kukkunersiuiinermut atatillugu ingerlatsinermik kukkunersiuiineq pisortani kukkunersiuiinermi ileqqussanut pitsaasunut aamma ilaavoq. Tamatumani pineqarpoq naalakkersuinikkut aalajangikkat sipaarniarluni, naammassisaqarsinnaassuseqarluni sunniuteqarluartumillu ingerlanneqarsimanersut pillugu misissuineq, taakku pitsanngorsarnissaannut kaammattuutitalit.

#### Nakkutilliinermik suliassaqaarfik

Inatsisinut naapertuuttumik kukkunersiuiineq assigalugu nakkutilliinermik suliassaqaarfik ingerlatsinermik kukkunersiuiinermut aamma ilaavoq. Tamatumani qulequttat uku pineqarput:

- Aningaasaliissutit qaammatinut aamma aningaasaqarnermut kontunut assigiinngitsunut agguaanerisigut missingersuutininik aqutsilluarneruleq
- Qaammammoortumik missingersuutininik malitseqartitsisarnerit eqqunneqarneri
- Suliffeqarfiup iluani isumaqatigiissutininik aqutsineq atornerullugu suliniutit anguniakkallu pillugit attaveqatigiittarnerup atornerulernissaa
- Suliniutit aningaasatigut aqunneqarnerisa nukittorsarneqarnerat, taakkununga atatillugu nammineq piffissamik atuinerup uuttortarneqarnera nalunaarsorneqarneralu aqutigalugit
- Tapiissutitut tunniunneqartut atornerqartarnerisa nalilersorluarnerunissaat
- Aqutsisunut paasissutissiisarnerup nukittorsarnissaanut kisitsisigut paasissutissaateqarneruleq
- Piffissaq ungasinnerusoq eqqarsaatigalugu suliat aamma nukissat aqunneqarnerannik kiisalu uuttuineramik aamma angusat aqunneqarnerannik nukittorsaanermik sulinerup ingerlaannarnissaa

Qulequttat nakkutilliinermik suliassaqaarfiup pitsanngorsarneqarnissaanik kukkunersiuisup avataaneersup Naalakkersuisullu allaffeqarfiisa akornanni ingerlaavartumik oqaloqatigiinnernut ilaapput. Immikkoortut itisilerneqarnissaannut Nunatta Karsiata 2016-imut naatsorsuutaanut isumaliutissiissut innersuussutigineqarpoq. Nunatta Karsiata kukkunersiuisua ingerlaavartumik malitseqartitsisarpoq akissutillu siunissami suliassanut ilannguttarlugit.

Maanna una ilanngunneqartoq ataatsimiititaliamit ajunngitsutut isigineqarpoq:

- Qaammatit tamaasa missingersuutininik malitseqartitsisarnerup eqqunneqarnera

#### EU-p innersuussutaanik malitseqartitsineq

EU Kommissionip suliniutigeqqusai arlallit malinniarlugit ukiumut naliliinermik nalunaarusiaq suliarineqartarpoq.

Ukiumut naliliinermik nalunaarusiaq Kukkunersiuinermut Ataatsimiititaliamut nassiunneqassasoq Nunatta Karsianut kukkunersiuusup kaammattuutigaa.

! Ukiumut naliliinermik nalunaarusiaq Kukkunersiuinermut Ataatsimiititaliamut nassiunneqassasoq kaammattuutigineqarpoq.

#### Namminersorlutik Oqartussat aningaasaqarnermik aqutsinerat

2019-imi ERP-system nutaap atuutilersinneqarneranut atatillugu aalajangiunneqarpoq Namminersorlutik Oqartussat kommunillu ataanni pisortat ataatsimut kontomut pilersaarutaannik aamma atuutilersitsisoqassasoq. Pisortat ataatsimut kontomut pilersaarutaannut siunertaasoq tassaavoq Namminersorlutik Oqartussani kommuninilu aningaasaqarnikkut nalunaarusiortariaatsimut periutsit assigiinnerulernissaat.

Kantomut pilersaarutip nutaap atulerniarnera tassungalu paasinninniarneq imaannaasimanngitsoq Nunatta Karsiata kukkunersiuusua allappoq.

Atulerniarnernut ilinniartitsinernullu nukippassuarnik atuiffiuvoq, tamanna ungasinnerusumut aqutsinermut sakkussanik pitsaanerusunik pilersitsisussaalluni. Taamaattorli kontonut inissitsiteriaaseq nukittorsarneqarujussuartaariaqarpoq Nunatta Karsiata kukkunersiuusua oqaatigaa. Systememi aningaasaliissutit nakkutigineqarnerat isumagineqarsinnaavoq kiisalu suliniutit inernerillu (sunniutit nalilernerat) akornanni ataqatigiinnerit nassuiarnissaannut paasissutissanik imaqsinnaalluni.

Nunatta Karsiata kukkunersiuusua ima allappoq” *Qularnanngilaq aningaasanik aqutsinerup ineriartortinneranut tassunga aallarnissamut ukiut arlallit atorneqaqqaassasut. Taamatuttaaq paasissutissatut tunngavissat maannamit pitsaanerungaartut pisariaqartinneqassapput, tassungalu soorunami aaqqissuussamik tapertaasumik soorlu allaffissornermi nukissat amerlanerusut pisariaqartinneqassapput.*

Paasissutissiissutigineqartut Kukkunersiuinermut Ataatsimiititaliamit tusaatissatut tiguneqarput

#### Anguniagassanik aamma angusanik aqutsineq

Anguniagassanik aamma angusanik aqutsinermi pineqarput, anguniagassat taakkua aqutsisunit ulluinnarni qanoq nassuiaaserneqartarnerat aammalu anguniagassatut inissinneqartut qanoq anguneqarnissaannut malitseqartitsisarnerup innera.

Periuseqarnermik ingerlatsinermit suliaq ullumikkut inuit ataasiakkaat iliuuseqarnerannit sunnersimaneqarpoq.

Ineriartortinnissaata ukiunik arlalinnik sivilissuseqarnissaa ilimanartoq aammalu paasissutissatut tunngavissat pitsaanerunissaannik allaffissornikkullu nukissat amerlanerunissaannik pisariaqartitsiviussasoq Nunatta Karsiata kukkunersiuisua naliliivoq.

**Sunniutit nalilernerannik** suliaq pingaartumik piginnaasanik ullumikkut suliffeqarfimmi immikkoortuni amerlanerpaani pigineqartunit allaanerumsumik piumasaqaatitaqarmat, naliliisoqarpoq piginnaanngorsaaqqinnermik pilersaarummik ingerlatsinnermik annerumsumik pisariaqartitsisoqassasoq.

! Paasissutissiissutigineqartut Kukkunersiuiinnermut Ataatsimiititaliamit tusaatissatut tiguneqarput maluginiaqquneqarporlu ERP-mik atuutilersitsinissaq sulinnermi tamatumani pingaarutilimmik alloriarnerummat.

#### Pisortat pisiniartarnerannik aqutsineq

Aningaasaqarnermut Sulisoqarnermullu Aqutsisoqarfimmi pisiortortarnermi immikkoortortaq pilersinneqarsimavoq. Immikkoortumi pisiniarnermi isumaqatigiissutinik pilersitsisoqarsinnaaneranut periarfissat misissorneqartarput kiisalu neqeroortitsinnermik ingerlatsinnerit pillugit siunnersuisoqartarluni.

Suliassaqaarfimmi periarfissarpassuarnik atorneqanngitsunik peqartoq siusinnerusukkut nalilernerqarpoq.

! Paasissutissiissutigineqartut Kukkunersiuiinnermut Ataatsimiititaliamit tusaatissatut tiguneqarput Naalakkersuisunullu kaammattuutigineqassaaq pisiniartarnermi periarfissat atorluarneqanngitsutut paasineqartut atorluarneroqqullugit.

#### Ukiuni arlalinni aningaasaliiffigisassatut suliniutit missingersuutaannik aqutsineq

Aningaasaliinnermik ukiunik arlalinnik sivilissusilinnik suliaqarneq nukittorsarneqarpoq, suliassaqaarfimmut pilersaarutit aamma nuna tamakkerlugu pilersaarusiorderup aqqissuussaannerusup eqquneqarnerisigut. Suliniutit aallaaviatigut Aningaasanut Inatsit aqqutigalugu taamaallaat akuersissutigineqartalissapput, suliniut suliassaqaarfimmut pilersaarutiniq suliaqarnerup iluaniissimappat aamma sanaartugassatut pingaarnersiorneqarsimappat.

Suliniutit aningaasaliiffigineqartut ingerlaavartumik piviusunngortinneqarnissaannut tapertassatut suliniutinut periutsit assigiinngitsut ineriartortinneqarsimapput, taakkuli assigiinngitsumik annertussuseqartumik atorneqartarput.

Paasissutissiissutigineqartut Kukkunersiuiinnermut Ataatsimiititaliamit tusaatissatut tiguneqarput

Pisortat tapiissutaannik aqutsineq

Namminersorlutik Oqartussat tapiissutinik aaqqissuussannik ingerlatsinermut allaffissornermik immikkoortortaq annertuumik akisussaatinneqarpoq, tassannga tapiissutit allaffissornertaannut periusissat aalajangersorneqartarlutik. Suliassa qarfinni amerlanerpaani qinnuteqaatinik ingerlatseriaatsit, agguasseriaatsit aamma killissarititaasut pingaarnertigut allaaserineqarsimapput.

Tapiissutit kissaatigisatut **sunniuteqarnerannik** malittarinninnissaq suliassa qarfiit ilaanni suliniutigineqarsimavoq.

Tapiissutitut aaqqissuussinerit aqunneqarnerannik pitsanngorsaalluni sulineq aatsaat atulersinniarneqarnermiippoq.

Paasissutissiissutigineqartut Kukkunersiuiinermut Ataatsimiititaliamit tusaatissatut tiguneqarput



#### 4.0 Kukkuersiuiinermut Ataatsimiititaliap naatsorsuutitut oqaaseqaatai

Nunatta Karsianut kukkuersiuiisup oqaaseqaatai siuliani taaneqartut kiisalu naatsorsuutitut nassuiaatinik misissuineq tunngavigalugit apeqqutit arlallit akeqqullugit Naalakkersuisut Kukkuersiuiinermut Ataatsimiititaliamit qinnuigineqarput. Tigulaakkani matuma kingulianiittuniittuni pineqarput apeqqutit Kukkuersiuiinermut Ataatsimiititaliamit oqaaseqaateqarnissamut tunngavissisut. Apeqqutit akissutillu tamakkiisut ilanngussatut ilanngunneqartuni takuneqarsinnaapput.

Oqaaseqaatit arlallit pissutsinut qulequttanullu, siusinnerusukkut naatsorsuutitut ataatsimiititaliap suliarinninnerinut atatillugu aamma taaneqartunut, aamma oqaaseqaateqarfigineqartunut sulilu ammasunut attuumassuteqarput.

Apeqqutit immikkoortunut arlalinnut immikkoortiteqqapput.

- Apeqqutit nalinginnaasut, tassunga kontot pingaarnerit arlallit attuumassuteqarlutik
- Aningaasanut inatsimmi 2020-mi kontot pingaarnerit aalajangersimasut
- Suliffeqarfiit namminersortitat pillugit apeqqutit
- Sanaartornermut Iluarsaassinermullu Aningaasaateqarfik pillugu apeqqutit
- Apeqqutit Namminersorlutik Oqartussat ingerlatseqatigiiffiutaasa naatsorsuutaanut tunngassuteqartut.

Kukkuersiuiinermut Ataatsimiititaliap paasissutissiissutigineqartunut oqaaseqaatai matuma kinguliani erseqqissunngorlugit allassimapput.

#### 4.1 Nalinginnaasumik oqaaseqaatit

Nalinginnaasumik oqaaseqaatit qulequttanut pingaarnerusunut immikkoortunulluunniit, suliassaqaarfiit akimorlugit suliniutinik kontonilluunniit arlalinnik imaqartunut tunngapput.

##### 4.1.1 Atorfiit inuttaqanngitsut malitsigisaanillu sunniutit

Ukiut siuliinisut Kukkuersiuiinermut Ataatsimiititaliap maluginiarpaa suli suliassaqaarfeqartoq atorfiit inuttaqanngitsut atuinermut nikingassutitut ilaatigut annertusinnaasunut tunngavilersuutigineqartartunik.

- ! Atorfinnut inuttaqanngitsunut pissutaasut ajornakusoorlutillu assigiinngiaarsinnaasut Kukkuersiuiinermut Ataatsimiititaliamit maluginiarneqarpoq. Atorfinnut inuttaqanngitsunut tamatumalu qitiusumik suliassat ingerlanniarneqarneranni kingunerisaanut takussutissiamik tamatigoornerusumik Naalakkersuisut suliqaarnissaat Kukkuersiuiinermut Ataatsimiititaliamit ukiut siulii assigalugit kaammattuutigineqarpoq. Aammattaaq atorfiit inuttaqanngitsut atuinerup nikingassuteqarneranut peqqutaagaangata atorfiit inuttaqanngitsut sunniutaat pillugit naliliineq naatsorsuutitut nassuiaatini allanneqartariaqarpoq.

#### 4.1.2 Siunnersortinik avataaneersunik atuineq

Namminersorlutik Oqartussat siunnersortinik avataaneersunik atuiunnaavinnissaat takorlooruminaappoq. Suliassat ilaat piginnaasanik / immikkut ilisimasanik Namminersorlutik Oqartussat sulisuisa akornanni nalinginnaasumik nassaassaangitsunik pisariaqartitsiviupput, soorluttaaq piginnaasat pisariaqartinneqartut qaqutiguinnaq atorneqartarnissaat ilimagi-neqarsinnaassasoq. Ilaatigut taamaattoqartillugu siunnersortinik avataaneersunik atuinissaq isumatusaarnerusinnaavoq.

Akerlianik assersuutigalugu isumaqatigiissutit atuuttut avaqqutaarniarlugit siusinnerusukkut sulisorisimasanik atorfinitsitsinertut ilusilerlugu siunnersortinik avataaneersunik atuisoqanngilluinnassaaq. Aammattaaq suliassat allaffeqarfimmi immikkoortortanit taakkuluunniit immikkoortortaannit ingerlanneqarluarsinnaagaluartut siunnersortinut sularitinneqartariaqanngillat.

Sammissaq<sup>1</sup> pillugu misissuineramik Naalakkersuisut september 2020-mi pisortatigut saqqummiussaqaarnikuusut ataatsimiititaliamit innersuussutigineqarpoq. Allakkiaq 6, Siunnersortinut aningaasartuutit, naatsorsuutitut maanna ilanngunneqarsimasut ataatsimiititaliamit maluginiarneqarpoq.

Takussutissiamut Kukkunersiuinermut Ataatsimiititaliaq ima oqaaseqaateqassaaq:

Siunnersortinut aningaasartuutit naatsorsuutitut maanna ilanngunneqarsimanerisa erseqqissaavigineqarnerat ataatsimiititaliamit ajunngitsutut isigineqarpoq.

#### **4.2 Kontonut pingaarnernut ataasiakkaanut apeqqutit**

Immikkoortumi matumani Kukkunersiuinermut Ataatsimiititaliap apeqqutaanit tigulaakkat aningaasanut inatsimmi kontonut pingaarnernut ataasiakkaanut attuumasut takuneqarsinnaapput. Aningaasaliissutinik nakkutilliinerup aammalu naatsorsuutini nikingassutitut nassuiaatit naatsorsuutitut nassuiaatini nalunaarneqartut misissornerisa ilaatut apeqqutit apeqqutigineqarput. Naatsorsuutini nassuiaatit aammalu ataatsimiititaliap apeqqutai akissutillu pillugit ilanngussatut ataatsimoortutut ilanngunneqartut innersuussutigineqarput.

<sup>1</sup> <https://naalakkersuisut.gl/~media/Nanoq/Files/Pressemeddelelser/2020/Selvstyrets%20brug%20af%20eks-terne%20konsulenter%20dk.pdf>

**4.2.1 Kontot pingaarnert toqqarneqartut**

Konto pingaarneq ungaluusat ( ) atorlugit nalunaaqutseqqapput.

**COVID-19 nualluussuaq pillugu ikiorsiissutit (64.10.35 & 64.40.08)**

Aningaasaqarnermut Akileraartarnermullu Ataatsimiititaliaq ilassutitut aningaasaliissutit (TB2020-869/870) aamma (TB2020-887) akuersinermut atatillugu apeqquteqaateqarpoq, Nunatta Karsianut taakkua qanoq aningaasaqarnikkut kinguneqassanersut annertuumik nalornissutigineqartarneri peqqutaalluni. Tamatuma saniatigut 257 mio. koruunit immikkoortinneqarnikuusut taamaallaat 100 mio. koruunit missaani atorineqarsimallutik.

Ikiorsiissutit pisussat allattorsimaffii ataatsimiititaliamit Naalakkersuisunut qinnutigineqarput. Allattorsimaffik ilanngussatut ilanngutissaaq tassanilu suliffeqarfiit 276-it pineqarput taakkua qinnuteqaataat 973-it ikiorsiissummik pisimallutik.

Taamaattorli qinnuteqaatit akuerineqarsimanngitsut amerlasoorujussuusimasut ataatsimiititaliamit paasineqarpoq.

Katillugit suliffeqarfiit 195-it qinnuteqaataat 337-t itigartinneqarsimapput.

Tiguisut suliffinnut assigiinngitsunut agguataaqqapput, taakkua matusinermut eqqugaanikuullutik. Suliffeqarfiit taakkuupput ikiorsiissutit qinnuteqarsinnaanikuusut.

Najugaqavissut angallanneqarnissaminnut unnuiartornissaminnullu akikillisaavigineqarnissat takornialerinerimut inuussutissarsiutillit ilaatigut iluaqutigisinnaanikuuaat.

2020-mi 2021-milu ikiorsiissutit pillugit misilittakkat pillugit Naalakkersuisut nassuiaammik suliaqassasut ataatsimiititaliaq inassuteqaateqarpoq. Naatsorsuutit saqqummiunneqarnissaannut tullermut iluatsillugu tamanna saqqummiunneqarsinnaavoq.

**Napparsimasunut taarsiissutit (konto 34.01.02)**

Konto pineqartoq pillugu 2020-mi aamma 2021 ataatsimiititaliaq apeqquteqaateqarnikuuvoq. Suliarpasut tassani pineqarput; suliat 146-t suli suliareqarsimanngitsut.

Ilaatigullu napparsimasut amerlasuut kukkusumik nakorsarneqartarsimasinnaallutik, tamatumalu saniatigut sivilisumik utaqqisinneqartarlutik suliat aallartinneqarsimanatik. Naammagittaalliutik sukkanerpaq atorlugu suliareqartassasut ataatsimiititaliaq isumaqarpoq.

Taarsiivigineqartarsinnaanissaq pillugu suliat nalunaarsorneqartarneri allannguuteqarsimasut ataatsimiititaliamit paasineqarpoq.

2020-mi suliat 146-t suliareqarsimanngitsut ataatsimiititaliamit naammagineqanngilaq.

**Atornerluisunik katsorsaanissamut pilersaarut (34.11.08)****341108 Atornerluisunik katsorsaanermut pilersaarut**

Ukiumi Aningaasaliiss utit	Ukiumi atuineq	Ukiup aallartinnerani Nuussineq	Ukiup naanerani Nuussineq	Paasissutissat kingulliit naapertorlugit Atuineq	Nikingassut	Nikingassut procentinngor lugu
35.358	27.692	-	3.536	31.228	4.130	11,7%

4-130 t.koruuninik procentinngorlugu 11,7 % atuinikiffiusimasooq ataatsimiititaliamit paasineqarpoq. Aningaasaliissutaasunit atuinnermiillu aningaasatigut nikingassut annertuvoq.

Naalakkersuisunit akissuteqaat:

*“Aningaasat atunngitsuukkat Meeqqanut Inuusuttunullu pilersaarummi atorineqartussaagaluarput. Tamatumali aallartinnissaa ukiumik ataatsimik kinguaattoorsimavoq. Covid-19-ip kingunerisaanik ilinniartitsinissamik pikkorissartitsinissamillu suliat taamatuttaarlu atorfinitsitsinerit suliaassallu allat pilersaarummut immikkut pilersaarutigineqartut naammassineqarsinnaanissaat periarfissaasimannngilaq.”*

Aningaasaliissutaasunit B&U katsorsaanermut atugassat qanoq annertutigineri allaqqanissaat kissaatiginarsimagaluarpoq.

Katsorsartinnissamut neqeroorutaasuni assersuutigalugu inuit amerlassusii, atuileqqittut amerlassusii katsorsarteqqittullu amerlassusii paasissutissanik katersinermik suliaqartoqartarnissaa ataatsimiititaliamit kissaatigineqarpoq. Siunissami paasissutissat taakkua pigissallugit pissusissamisoorsinnaagaluarpoq.

Ukiuni siuliini sunniutinik arlaatigut misissuisoqartarnissaa ataatsimiititaliamit apersuutigineqarnikuuvoq siunissamilu taamaattoqartarnissaa aamma kissaatigalugu, taamaalilluni immikkoortortap iluani ineriartortitsinissamut aningaasat atorineqartussat nalilersorneqarsinnaalissallutik.

**Akilerarutitut akiligassat annaaneqartut (24.10.10)**

Konto pingaarneq matumani pineqartoq akiligassanut tunngassuteqarpoq, tassani akiliisitsiniarneq Akileraartarnermut Aqutsisoqarfimmit akisussaaffigineqarluni.

Ulloq 31.12.19 aallarnerfigalugu aningaasat akiitsunut annaasanut piviusut malillugit atorineqartussaagaluartut pillugit naatsorsuinnermi kukkusoqarsimasooq ataatsimiititaliamit uppersarneqarpoq. Akileraartarnermut Aqutsisoqarfik suliffeqarfik taama angitigisoq eqqarsaatigissagaanni kissaatiginaraluarpoq tamanna eqqornerusumik suliarineqarsimanissaa.

Ilanngussaq 7 akissuteqaammi allaqqavoq piumasat ”uumassusillit” tassani pineqartut, ima paasillugu immikkoortitat nalunaarsorneqarneri eqqortut nutaamik allattorsimaffii kingorna sananeqarsinnaanngitsut.

Ataatsimiititaliamut akissummi allaqqavoq aningaasat annertussusaa ilisimaneqanngitsoq 31.12.20 aallarnerfigalugu 69 mio. koruuninut aaqqiisummut ilaasoq.

Ukiumi matumani kukkussut aaqqiivigineqarsimassasoq ataatsimiititaliap paasivaa.

Akissuteqaat ataatsimiititaliamit tusaatissatut tiguneqarpoq.

### **Ilinniartut inissaanik attartorneq (40.90.15)**

Atuineq missingersuutitigut sinaakkusiat iluini pisimammata ataatsimiititaliamit naammagisimaanreqarpoq.

Init avataani attartugassat 280-t missingersuusiarineqarsimapput. Nalunaarsukkanut nassiunneqarnikunut sanilliullugu ilinniartunut init amerlassusii appariaateqarsimapput 2019-imi 363-iullutik 2020-milu 332-ullutik. Nuuk – KAF, Aasiaat - GUX, Narsaq - INUILI kiisalu Maniitsoq Efterskole eqqarsaatigalugit ilinniartunut inissiat ikinnerusimasut ataatsimiititaliamit paasineqarpoq, akerlianillu Qaqortoq - CAK init amerlassusiinik annikitsumik amerleriaateqarsimalluni.

Pissutsit piviusut tassaapput piffinni arlalinni ilinniartut inissaaleqisut, taamaattumik ataatsimiititaliamit uparuarneqarpoq qanoq pingaaruteqartiginersaq ilinniartut inissai avataaneersut atorunnaarneqartassasut aatsaat ilinniartut inaannik atunngitsunik peqaraangat.

Piffiit ilaanni ilinniartut inissaannik avataaneersunik attartornermut akigitinneqartut agguaqatigiisillugit annertoorujussuarmik akitsorujussuarsimasut.

Maannamiit sunniutinik misissuisoqartalernissaa ataatsimiititaliamit inassuteqaatigineqarpoq, aammalu missingersuummi amerlassuserineqartunut naleqqiullugu ilinniartut inissaat avataaneersut amerlassusiinik allanngortoqaraangat tunngavilersukkamik nassuiaasiortoqartassasoq.

### **Nakkutilliinermut suliaq (10, Naalakkersuisut Siulittaasuat)**

Kommunini nakkutilliinermut suliaq Nakkutilliisoqarfimmu assut annertusimavoq.

Kommuneqarfik Sermersuumi inissiat namminersortunit attartortittakkat piffissami sivisuumi attartorneqartartut pillugit suliaq uteqattaartoq pineqarpoq.

Nakkutilliinermut suliaq 2019-imi aallartinneqarpoq, Nakkutilliisoqarfiullu aatsaat 2021-p naanerani suliaq nassatarisaanik apeqquteqaateqarnerit akissutisiffiginissai naatsorsuutigalugu.

Suliaq ataatsimiititaliamit malinnaaffigineqarpoq.

#### **4.2.2 Inuussutissarsiutinut ilinniarfiit**

Inuussutissarsiutinut ilinniarfiit marluk pillugit naatsorsuutit kukkunersiuinermullu nalunaarut ataatsimiititaliamit piumaneqarnikuupput.

INUILI (41.91.21) aamma Niuernermik Ilinniarfik (40.91.16) Kukkunersiuinermik Ataatsimiititaliamit misissuiffigineqarnikuupput.

Pigisat nalillit tassunga ilaallutik biilit, atortussat, atortorissaarutit, pisattat, quit/toqqorsiviit kiisalu IT inuussutissarsiutinut ilinniarfiit aningaasaliissutitik aqqutigalugit pissarsiarineqartarput.

Inuussutissarsiutinut ilinniarfinnit maluginiaqquneqarpoq ilinniagaqaqqinnerit suliffimmilu ilinniakkatigut piginnaatitaaffiit inerisartuarnissaannut aningaasartuuteqartoqarnissaanik pisariaqartitsisoqarsinnaasoq, taakkua COVID-19 ataani isumagineqartarsimannginneri peqqutaalluni.

Atuarfiit taakkua marluk nuutsisinnaaneq aqqutigalugu aningaasaliissutaasut sinaakkutiinik malinnissinnaasimapput. Taamatut nuutsisinnaaneq piusimanngikkaluarpat aningaasaliissutaanut tunngatillugu atuarfinni unamminartoqarsimassagaluarpoq.

Inuussutissarsiutinut ilinniarfiit naatsorsuutaanni ineriartorneq ataatsimiititaliamit malinnaaffigineqarpoq.

Inatsisartut Ilinniartitaanermut Ataatsimiititaliaanut paasissutissiissutitut INUILI-mut (40.91.21) apeqquteqaatit akissuteqaatillugu malugeqquneqarput.



#### **4.2.3. Sanaartornermut Iluarsaassinermullu Aningaasaateqarfik**

Nunatta Karsianik misissueqqissaarnermut atatillugu suliniutit aaqqissuunneqarsimasut ataatsimiititaliamit paasineqarpoq.

Suliniutit ukiup naaneranoortut annerusumik ataatsimiititaliamit ukkatarineqarsimaneri peqqutaalluni aatsaat ukiuni tulliuttuni taakkua nalilersuiffigineqarsinnaapput. Taamaattorli akissuteqaammi ilanngussaq H-mi allaqqavoq suliniutit arlallit suliffiup iluani kukkunersiuinermut ilannguttussanngortinneqarsimasut taamaalillunilu 2021-mi naammassineqarnissaat naatsorsuutigineqassalluni.

Tamatuma saniatigut suliniut ataasiinnaq, suliniut 52092, taamaatiinnarneqarsimavoq.

Suliniut 52092, Qassiarsummi ilinniartut angerlarsimaffiannik pilersitsineq/nutarterineq.  
Suliniutip taassuma naammassinissaanut ilassutitut aningaasaliissutit (TB 2020-00877) naapertorlugit 16,7 mio. koruunit aningaasaliissutaapput. Allattorsimaffimmi suliniut taamaatiinnarsimasutut allaqqavoq. Suliniummut aningaasarpasuit atorneqarsimasut ataatsimiititaliamit uppersarneqarsinnaavoq.

Suliaq ingerlasimanera pillugu nassuiaammik ataatsimiititaliaq piumasaqarnikuuvoq, aammalu suliaq tunngavigalugu misilittakkat suut pigineqalersimanersut pillugit.

Suliaq suli ingerlasuusooq ataatsimiititaliamit maluginiarneqarpoq. Ataatsimiititaliap suliaq malinnaavigeqqissaassavaa.

Suliniut 46021, Tarnit pissusai pillugit sanaartukkamik nutaamik suliniummik aqutsineq.  
31.12.2020 aallarnerfigalugu atuinerup erseqqissaavigineqarnissaanik kiisalu suliniummut aqutsisunut akisussaasunut peqataasut allattorsimaffianik ataatsimiititaliaq piumasaqarpoq.

Piffissap ingerlanerani aqutsisut akornanni taarseraattoqarujussuarsimavoq. Suliniutinik allanik aqutsineq qitiusumit aqunneqartoq ataatsimiititaliamit maluginiarneqarpoq. Taamaattorli Peqqinnissaqarfimmut immikkoortortaq qitiusumit aqunneqanngilaq.

Sulisut akornanni taarseraanneq peqqutaalluni kinguaattoornerit akisusinnaapput, piffissap taassuma iluani atortussat akissarsiallu akisunerulersinnaasarmata, aammalu suliniummut sinaakkutaasut tamanna peqqutaalluni kinguaattoorutaallutik.

Tamatuma saniatigut innuttaasut nakorsartariaqartut piffissaq eqqorlugu isumagineqarnissartik pinngitsoorsinnaavaat.

Suliaq aallaqqaataaniilli tamanit isiginiarneqarsimanngitsoq ataatsimiititaliamit paasineqarpoq.

Misilittakkat nalunaarsorneqartariaqartut ataatsimiititaliaq isumaqarpoq, Naalakkersuisunit tamanna ilikkagaqarfigineqarniassammat.

Suliap ingerlasimanera ataatsimiititaliap isoraa.

Inatsisartut Sanaartornermut Ataatsimiititaliaanut paasissutissiissutitut suliniummut 52092-imut, Qassiarsummi ilinniartut angerlarsimaffiannik pilersitsineq/nutarterineq pillugu kiisalu Suliniut 46021, Tarnit pissusai pillugit sanaartukkamik nutaamik suliniummik aqutsineq pillugu apeqquteqaatit akissuteqaatillugu malugeqquneqarput.

#### **4.3 Suliffeqarfiit namminersortitat.**

##### Naatsorsueriaatsimik allannguneq.

Suliffeqarfinni namminersortitani naatsorsueriaatsimi atorneqartumi allannguisoqarnikuuvoq. Nukissiorfiit aamma Asiaq allannguneq 1.1.2018 atuutilersippaat Mittarfeqarfinnilu 1.1.2019 aallarnerfigalugu atuutilerluni.

Pigisat nalinginik nalilersuineranut pinngitsaaliissummik nalit appariarnerannik misileraanermik aamma atuutilersitsisoqarpoq. Nukissiorfinni Mittarfeqarfinnilu nalinik appartitsinerusujussuarnik tamanna kinguneqarpoq.

##### Mittarfeqarfiit.

Mittarfeqarfiit 2019-imi namminerisamik aningaasaatit 1,3 milliarn koruunit aqqutigalugit nalinik appariartitsipput naatsorsueriaatsinillu allannguinatik nalikillisaasernerit ingerlatiinnarlugit. Tamatuma ilaatigut nassataaraa angallassissutit motoorillit umiatsiallu 10 mio. koruunit nalinginut 2020-mi pisiarineqartut ukiumi pisiffiusumi 8 mio. koruuninik nalikillisaaneq. Tamanna naatsorsuuteqarnikkut 2020-mi ingerlatsineranut tunngasutigut aningaasartuutaassaaq. 2018 sioqqullugu naatsorsueriaaseq malillugu pigisatut nalilittut ilanngunneqarsimassagaluarpoq kingornalu pigisat nalillit piginerisa sivilissusaat malillugu nalikillisaasoqarluni. Naatsorsueriaatsimik allannguinerup sunniutai piffissap ingerlanerani nalimmassarneqarumaarput. Ilaatigut 2019-imi nalikillisaanerit nassataarat nalikillisaanerit nalinginnaasut annikilleriarujussuarneri.

##### Nukissiorfiit.

Suliffeqarfik 2016-imi, 2017-imi, 2019-imi aammalu 2020-mi amigartooruteqarnikuuvoq.

Nukissiorfiit sanaartugaatit nalinginik iluarsissuteqarnerat naatsorsuutini allakkiaq 13-imi takuneqarsinnaavoq (qupperneq 75 ):

Nassuiaat 13 Sanaartugaatit nalinginik iluarsissuteqarneq		
1998	1 831 067	1 831 067
2004	742 294	742 294
2005	(36 438)	(36 438)
2006	7 851	7 851
2007	(14 594)	(14 594)
2008	4 682	4 682
2009	2 882	2 882
2011	(6 770)	(6 770)
2018	(1 216 206)	(1 625 034)
<b>Katillugit</b>	<b>1.314.768</b>	<b>905.940</b>

Sanaartukkat nalingisa iluarsissuteqarfigineqarnerat piffissap ingerlanerani nalinginik iluarsissuteqarsimanerut takussutissaapput – ingerlatsinerut nalunaarsorneqaratik

Nalikilliinerit utertinneqarnikut (nalikinnerulersitsinernik misilittaanerit) pingaarnertut allakkiaq 7-imi Illuutit sanaartornerlu 384.201 t.koruunit ilanngunneqarput.

Inissitsiterinerit taakkua ukiumut ingerlatsinerut inernernut sunniuteqanngitsut ataatsimiititaliamit maluginiarneqarpoq.

Nunatta Karsiata kukkuniarsuisua Nukissiorfiit siunissami aningaasaqarnikkut inissisimanissaa pillugu nalunaarusiussasoq Nunalerinerut, Imminut pilersornerut, Nukissiusuteqarnerut Avatangiisinullu Naalakkersuisoqarfimmit piumaffigineqarpoq. Nalunaarusiap noqqaassutigineqartup assileranik tigusaqarnissani ataatsimiititaliap qilanaaraa.

Nukissiorfinni akit suliffeqarfinnut innuttaasunullu naatsorsueriaatsit allannguuteqarneri qanoq kinguneqassanersut ataatsimiititaliamit malinnaaffigeqqissaarneqassaaq.

2020-mi amigartooruteqarnerujussuaq ataatsimiititaliamit isornartoqartinneqarpoq.

Asiaq

Aningaasanik annertuumik qaangiuttoornermut atugassanik suliffeqarfik immikkoortitsisarpoq. Tamanna kukkunersiuisumit eqqaaneqarpoq.

Kukkunersiuiernermit nalunaarummit tigulaagaq

”5.1.2.1. Qaangiortoortit tunngavigalugit sulinngiffeqaatissanik katersuinerit Inatsisit tunngavigalugit aningaasarsianut sulisunullu tunngasunik sukumiisumik misissuinitinni maluginiarparput Asiami sulisut qaangiuttoornermit tunngavigalugit sulinngiffeqarissamut katersaat qaffasissussorujussuusut. 2020-immi naanerani akunnerit pineqartumut katersorsimasat katillutik akunnerit 6400-uusimapput tassa sulisumut ataatsimut aggaqatigiissitsigaanni akunnerit 300-ut naligisaannik. Tassa aggaqatigiissitsigaanni sulisumut ataatsimut kvartal-imut akunnerit 25 80-it sulinngiffeqaatissatut pissarsiarineqartarsimallutik, suliffeqarfiullu iluani sulisunut tamanut naatsorsoraanni kvartalimut kisitsit 815-iulluni. Qaangiuttoorsimanerillu allattorneqarfianni allassimasut misissornerini paasivarpur 2020-imi kvartalit 4-aanni, qaangiuttoorsimanerit amerlanersaat sapaatit akunnerisa naanerini pisarsimasut, ullullu taamaattut suliffeqarfimmut pisussaaffiliisuunngillat, sulinngiffeqarfissatut katersanut 50%-inik ilassuserlugit nuunneqartarlutik. Taamatut ilisumik kvartal-it 4-aanni akunnerit periarfissiissutaasut 815-iusut iluaini taamaallat 46-ut atorneqarsimapput.

Inassutigisat

Aqutsisunut inassutigivarpur, annertunerusumik akunnerit atorfinitsitsinerimi isumaqatigiissutit naapertorlugit sulinissamut piareersimanermit atatillugu ilassutit akilerneqarnikutut atorneqartassasut. Inassutigivarpullu sapaatit akunnerisa naanerini qaangiuttoornerit allaganngorlugit sulisut akonranni qaffasinnertut inissisimasunit atsiorneqartalissasut. Aqutsisullu ilisimatitsissutivaat, unammillernartoq, tassalu akunnerit sulinngiffeqaatissannngortitaasartut, eqqumaffigineqartut aammalu sulinngiffeqarnissat qanoq atorneqartarnissaat pilersaarusiunneqartoq.”

Qaangiuttoortarnernik aaqqissuusseriaatsit siunissami suliffeqarfimmit eqqumaffigineqarnerulernissaat ataatsimiititaliamit inassutigineqarpoq.

**4.4. Namminersorlutik Oqartussat ingerlatseqatigiiffiutai**

Suliffeqarfiit tulliuttutigut allaqqasut ukiunut kingullernut pingasunut naatsorsuutai kukkunersiuinermullu nalunaarutaat Kukkunersiuinermut Ataatsimiititaliamit misissorneqarput.

**Illuut A/S:**

Nunatta Karsiata pigisai soorlu pigisatut nalilittut Illuut A/S-imi annertut inissisimapput.

Ataatsimiititaliamit apeqquteqaatit akissuteqaatigineqartullu ilanngussaq 9-mi allaqqapput.

Illuut A/S-imi akiitsut 789 mio. koruunit Nunatta Karsiata 2020-mut naatsorsuutaani aningaasani pissarsiassatut paasissutissiissutigineqarsimanntisut ataatsimiititaliamit maluginiarneqarpoq.

Siunissami naatsoruutunut oqaaseqaatit taama ittut ilanngunneqartalernissaat Naalakkersuisunit eqqarsaatigineqassasoq ataatsimiititaliaq isumaqarpoq.

Suliaqartussat assigiinngitsut pisariaqartinneqartut Illuut A/S akissutaaniittoq ataatsimiititaliamit paasineqarpoq. Tamanna Inatsisartut allaffissornerup annikinnerulernissaanik siusinnerusukkut kissaateqarnerannut ataatsimoortinneqassapput. Arlaatigut allaffissornerulernermik pisoqassanersoq ataatsimiititaliamit nalilerneqarsinnaanngilaq.

Suliaq nakkutilliinermut tunngasoq arlaatigut attuumassuteqarfigineqartoq ataatsimiititaliamit maluginiarneqarpoq.

Assersuutigalugu ineqarnermut naammagittaalliuteqarnissaq aningaasaqarnermullu paasisimasagassutsit eqqarsaatigalugit saaffissat killegartut attartortunit misigineqarsinnaasut tusagassiorfitsigut saqqummernikuuvoq. Inissiat attartorneqartut pisortanit kommuniniilluunniit pigineqannginneri peqqutaavoq, kisiannili attartorneq attartortitsisarfiit namminersortut aqqutigalugit pilluni.

**Greenland Oil Spill Response A/S:**

Akissarsiassat pillugit aaqquissuusaanerit pillugit ataatsimiititaliamit apeqquteqaateqartoqarpoq.

Ataatsimiititaliamit apeqquteqaatit akissuteqaatigineqartullu ilanngussaq 9-mi allaqqapput.

Akissarsiaqartitsinermut politikki toqqarneqartoq ataatsimiititaliamit maluginiarneqarpoq. Suliamut attuumassuteqarpallaarluni inississinnaanermut ajornartorsiuteqalersinnaaneq, siulersuisunut ilaasortaajutigaluni ingerlatseqatigiiffimmi pisortatut inissimasoqarneranit malitsigineqarsinnaasoq, suliffeqarfimmit ilisimaarineqarnissaata pingaaruteqassusaa ataatsimiititaliamit maluginiarneqarpoq.



GOSR A/S'ip ingerlanneqarnera allatut aaqqissuunneqarsinnaanersoq pillugu Naalakkersuisut eqqarsaatigissagaat ataatsimiititaliamit kaammattuutigineqarpoq.

Tamatuma saniatigut ingerlatseqatigiiffiit taakku marluk akisussaaffitsigut inissisimanerat Nunatta Karsiata 2020-mi naatsorsuutaani allaqqanngilaq.

Illuut A/S ukiumi naatsorsuiffiusumi uani Ineqarnermut Attaveqaatinullu Naalakkersuisut ataani ilaavoq.

Greenland Oil Spill Responce A/S Siulittaasup Naalakkersuisoqarfiata ataaniinnikuuvoq.

Pissutsit allat:

### **KNI A/S**

KNI A/S, suliffeqarfik pisortanit pigineqartoq, naatsorsuuserinikkut unammillernartunik nalaataqarsimavoq, taakkua ukiuni arlalinni ingerlasimallutik. Suliaq pillugu paasissutissiivigineqartarnissani ataatsimiititaliap Naalakkersuisunut piumasaraa.

Kukkunerit paasineqartut ataatsimiititaliamit sakkortuumik uparuarneqarput, suliarlu Inatsisartunut immikkut maluginiaqqullugu.

### **Ulloq 25. oktober 2021 siunersiuneq:**

Namminersorlutik Oqartussat ingerlatseqatigiiffiutai pillugit apeqquteqaatit Kukkunersiunerimut Ataatsimiititaliamut erseqqissaavigitikkusullugit Naalakkersuisut Siulittaasuut siunersiunerimut uunga ataatsimiititaliamit aggersarneqarpoq. Ataatsimiititaliap apeqquteqaatai akissuteqaatigineqartullu ilanngussaq 10-mi allaqqapput.

Siunersiunerimi siunnersuut tulluuttutugut allaqqasoq saqqummiunneqarpoq.

Whistleblowerit pillugit aaqqiisummik avataaneersumik pilersitsisoqarnissaanik siunnersuuteqartoqarpoq.

Naalakkersuisut Siulittaasuata isumassarsiaq tigulluarpaa ingerlateqqissallugulu.

## 5.0 Misissuinerit annertunerusut

Misissuinermit annertunerusumi pissutsit uku ilaat ataaseq arlallilluunniit qitiutinneqarajupput:

- 1) Maleruagassat inatsillu eqquutsinneqarsimanersut
- 2) Ingerlatsinermit ileqqussat pitsaasut malinneqarsimanersut
- 3) Sulisut aningaasallu sipaarniarnermik aallaaveqarluni atorneqarsimanersut
- 4) Sulisunik aningaasanillu atuineq kiisalu naammassisaqassuseq imminnut naapertuunnersut
- 5) Anguniakkatut aalajangiunneqartut iluatsitsiffiusumik anguneqarsimanersut

Misissuineq annertunerusoq sulisunik aningaasanillu annertuumik atuiffiusinnaammat tamatuma peqatigisaanik oqaatigineqartariaqarpoq, taamaattumillu misissuinissamut naapertuuttumik killiliinissaq anguniarneqartuartarpoq, tamatumanilu anguniakkat siuliani taaneqartut pinerit tamaasa tamarmik ilanngunneqarsinnaaneq ajorput.

Isumaliutissiissutip kingulliup suliarineqarnerata kingorna nalunaarut ” *Inuussutissarsiutigalugu aalisarnermi aalisakkanik pisassiissutiniq aamma akuersissutiniq ingerlatsinermit itisiliilluni kukkumersuineq* ” Kukkumersuinermit Ataatsimiititaliamit suliarineqarnikuvoq.

Nunatta Karsiata kukkumersuuisuata nalunaarusiaq oktober 2020-mi tunniuppaa. Taanna kingusinnerusukkat ataatsimiititaliamit naammassillugu suliarineqarpoq. Nalunaarusiaq Inatsisartut nittartagaani nassaarineqarsinnaavoq<sup>2</sup>

Naalakkersuisut ataatsimiititaliap apeqquaqatai ulloq 1. december 2020 akissuteqarfigai.<sup>3</sup>

Pissutsit arlallit sakkortuumik isornartorsiugassaasut ulloq 22. januar 2021 ataatsimiititaliamit oqaatigineqarpoq.<sup>4</sup>

Suliap killiffia pillugu ataatsimiititaliap paaserusunnikuuaa.

Akissuteqaat ataatsimiititaliap apeqquaqataani kiisalu Nunatta Karsiata 2020-mi naatsorsuutaanut akissuteqaammi allaqqavoq, ilanngussaq 8.

Kingusinnerusukkat ataatsimiititaliamit malitseqartinneqassaaq.

Naalakkersuisunit misissoqquneqartoq ”Aqutsiveqarfinni itisiliilluni misissuititsineq” ”*Aalisarnermut, piniarnermut nunalerinermullu inuussutissarsiornermut tapiissutiniq taarsigassarsianillu allaffissorneq*” pillugu ilaatigut Kukkumersuinermit Ataatsimiititaliamut nassiunneqarsimavoq”.

<sup>2</sup> <https://ina.gl/udvalg/lovpligtige-og-staaende-udvalg/revisionsudvalg/beretninger-og-undersogelser/>

<sup>3</sup> <https://ina.gl/media/2548984/ka-e-svar-til-revisionsudvalget-ang-forvaltningsrevision-kal.pdf>

<sup>4</sup> [https://ina.gl/media/2548992/ka-f-revisionsudvalget-udtaler\\_kal-e.pdf](https://ina.gl/media/2548992/ka-f-revisionsudvalget-udtaler_kal-e.pdf)

Nalunaarusiaq pisortatigut saqqummiunneqarsimanngitsoq ataatsimiititaliamit maluginiarneqarpoq.

Inatsisartunut Naalakkersuisunulluunniit ilaasortat Aalisarnermut, Piniarnermut Nunalerinermullu Naalakkersuisoqarfimmit allanit salliunneqarlutik sullinneqarsimasinnaanerat tusagassiorfinni annertuumik eqqartugaalnera peqqutigalugu tamanna suliaqutiginneqarnikuuvoq<sup>5</sup>.

Immikkut pinnittoqarsimaneranik takussutissaqanngitsoq nalunaarummi inerniliunneqarpoq.

Nalunaarummi inerniliussaq ataatsimiititaliamit tusaatissatut tiginneqarpoq,

2020-mi nipisattassat qaffaavigineqarnerannik Naalakkersuisut suliaannut atatillugu suliamut attuumassuseqassusermik nalornissuteqarpoq pillugu Kukkunersiuiinermut Ataatsimiititaliaq aamma suliaqarnikuuvoq.

Suliaq pillugu nalunaarummik ataatsimiititaliaq siusinnerusukkat tunniussaqaarnikuuvoq, taanna Inatsisartut nittartagaani pisortatigut saqqummiunneqarnikuuvoq.<sup>6</sup>

Nalunaarusiap naammassereernerata kingorna atortussanik allanik suliamut tunngasunik ataatsimiititaliaq pissarsisinnaanngornikuuvoq.

Oktober 2021-mi Poul Schmithimik/Kammeradvokatimik allaffigeqatigiissimaneq kalaallisut danskisullu allaqqasup assileranik ataatsimiititaliaq tigusaqarpoq.

Eqqartuussisuserisup nalunaarusiaa tamakkiisooq Inatsisartut nittartagaani kingusinnerusukkat kalaallisut aammalu danskisut atuarneqarsinnaavoq.

Paasissutissat tamaasa Kukkunersiuiinermut Ataatsimiititaliamit pissarsiarineqarsinnaanersut nalorninermik suliaq nassataqartitsinikuuvoq. UKA2021-mi Siulittaasoqarfimmit allannguutissatut siunnersuut saqqummiunneqartoq” Inatsisartut Naalakkersuisullu pillugit Inatsisartut inatsisaata allanngortinneqarneranik Inatsisartut inatsisaat

(Kukkunersiuiinermut Ataatsimiititaliap piginnaatitaanera aamma paasissutissanik atortussanillu piumasaqarsinnaatitaanera)”<sup>7</sup>, ataatsimiititaliamit ajunngitsutut isigineqarpoq.

Allannguummi siunertarineqarluni Kukkunersiuiinermut Ataatsimiititaliap piginnaatitaaffiisa erseqqissarneqarnissaat, taamaalluni inatsimmi ersarinnerulerluni atortussat sorliit ataatsimiititaliamit pissarsiarineqarsinnaanersut. Inatsimmut siunnersuut ulloq 27. oktober 2021 tamanit isumaqatigiiffiusumik akuersissutigineqarpoq.

<sup>5</sup> <https://ina.gl/dokumenter/nyheder/?year=2020&id=21578>

<sup>6</sup> . [https://ina.gl/media/2546688/beretning\\_kal.pdf](https://ina.gl/media/2546688/beretning_kal.pdf)

<sup>7</sup> UKA2021/27

## **6.0 Nunatta Karsiata naatsorsuutaanik kukkundersiuisussatut ataatsimiititaliap inassuteqaataa**

Inatsisartut Suleriaasianni § 25, imm. 2 naapertorlugu Kukkundersiuinermut Ataatsimiititaliap inassuteqarneratigut Nunatta Karsiata naatsorsuutaanik kukkundersiuisusaaq Inatsisartunit toqqarneqartarpoq.

Kukkundersiuisoqatigiiffik naalagaaffimmit akuerisaq Deloitte Nunatta Karsiata 2021-mut naatsorsuutaanik kukkundersiuisussatut Inatsisartunit toqqarneqassasoq Kukkundersiuinermut Ataatsimiititaliap 2020-mi ukiakkut ataatsimiinnermi inassutigaa, Inatsisartunit akuersissutigineqartumik. Tamatuma kingorna Nunatta Karsiata 2022-mut naatsorsuutaanik kukkundersiuisusaaq Kukkundersiuinermut Ataatsimiititaliamit inassutigineqassaaq:


Kukkundersiuisoqatigiiffik naalagaaffimmit akuerisaq Deloitte Nunatta Karsiata 2022-mut naatsorsuutaanik kukkundersiuisussatut Inatsisartunit toqqarneqassasoq Kukkundersiuinermut Ataatsimiititaliap Inatsisartunut inassutigaa.

## **7.0 Nunatta Karsiata 2019-imut naatsorsuutaasa akuerineqarnissaat pillugu inassuteqaat**


Nunatta Karsiata 2020-mut naatsorsuutaasa Inatsisartunit akuerineqarnissaat pillugu aalajangiiffigisassatut siunnersuut akuerineqassasoq **ataatsimiititaliamit isumaqatigiittumit inassutigineqarpog.**



Taama oqaaseqarluni Kukkunersiuinermut Ataatsimiititaliap siunnersuut  
aappassaaniigassanngortippaa.




Mariia Simonsen  
siulittasoq



Erik Jensen  
siulittaasup tullia



Anna Wangenheim



Agathe Fontain



Mette Arge-Hammeken

**Ilanngussanut takussutissiaq:**

Ilanngussaq 1: Kukkunersiuisut nalunaarutaat, Nunatta Karsia 2020.

Ilanngussaq 2: Kukkunersiuisut nalunaarutaat, Asiaq 2020.

Ilanngussaq 3: Kukkunersiuisut nalunaarutaat, Mittarfeqarfiit 2020

Ilanngussaq 4: Kukkunersiuisut nalunaarutaat, Nukissiorfiit 2020.

Ilanngussaq 5: Nunatta Karsiata naatsorsuutaanut nassuiaatit

Ilanngussaq 6: Kukkunersiuisut nalunaarutaat allallu pillugit ataatsimiititaliamit apeqquteqaatit Naalakkersuisullu akissuteqaataat.

Ilanngussaq 7: Naatsorsuutit pillugit nassuiaatit allallu pillugit ataatsimiititaliamit apeqquteqaatit Naalakkersuisullu akissuteqaataat.

Ilanngussaq 8: Naatsorsuutit pillugit nassuiaatit allallu pillugit ataatsimiititaliamit ilassutitut apeqquteqaatit Naalakkersuisullu akissuteqaataat.

Ilanngussaq 9: Namminersorlutik Oqartussat ingerlatseqatigiiffiutai pillugit ataatsimiititaliamit ilassutitut apeqquteqaatit Naalakkersuisullu akissuteqaataat

Ilanngussaq 10: Ulloq 25.10.2021 ataatsimiinnermi siunersiunermit allakkiaq

Ilanngussaq 11: 2020-mut Nunatta Karsiata naatsorsuutai pillugit kukkunersiuisut oqaaseqaataannut ilassutitut apeqqutitut akissutit